




Виктор Андреев
Господи, храни моих детей!
Сила матери. Молитвы о детях,
заговоры, обереги. Защитная книга

http://www.litres.ru/pages/biblio_book/?art=12117174

Господи, храни моих детей! Сила матери. Молитвы о детях, заговоры, обереги. Защитная книга:
Книжный Клуб «Клуб Семейного Досуга»; Харьков, Белгород; 2015
ISBN 978-966-14-9839-5, 978-966-14-9838-8, 978-5-9910-3328-2

Аннотация

В этой книге вы найдете не только молитвы, но и заговоры, обереги, обряды.

Любое произнесенное вслух слово имеет огромную силу. К сожалению, люди, хоть и знают это, предпочитают над этим не задумываться. Наверняка с каждым случалось, когда несколько слов, произнесенных «под руку» в лихую или, наоборот, в добрую минуту, каким-то непостижимым образом влияли на дальнейший ход событий.

Именно наши слова и мысли формируют нашу жизнь, хотя порой мы не отдаем себе в этом отчета. Средства массовой информации круглые сутки изливают на нас поток сообщений, побуждая совершать те или иные поступки. С детства мы все испытываем потребность в словах поддержки и утешения и боимся критики и осуждения, особенно от значимых для нас людей!

Содержание

Введение	10
Молитвы	12
Молитва Господня	12
Молитва Иисусова	13
Молитва Святому Духу	14
Молитва Трисвятое	15
Молитва Пресвятой Троице	16
Молитва Пресвятой Богородице	17
Песнь Пресвятой Богородице	18
Молитва Ангелу-Хранителю	19
Символ веры	20
Молитва Господу Иисусу Христу	21
Молитва о живых	22
Молитва Честному Кресту	23
Молитва об усопших	24
Молитва предначинательная	25
Молитва по соглашению	26
Покаянная молитва. Псалом 50	27
Молитва перед лицом опасности. Псалом 90	28
Окончание молитв	29
Молитвы о покровительстве семейного очага	30
Молитва Пресвятой Богородице о благополучии в семье	30
Молитва святой блаженной Ксении Петербургской о всякой семейной и бытовой нужде	30
Молитва святой преподобномученице великой княгине Елисавете о благополучии в супружестве	30
Тропарь	30
Иной тропарь	31
Кондак	31
Величание	31
Молитва	31
Молитва Богородице перед иконой «Неопалимая купина» о семейном благополучии	31
Молитва мученице Параскеве Пятнице о покровительстве семейного очага	32
Тропарь	32
Молитва	32
Молитвы Ангелу-Хранителю	33
Молитва 1-я	33
Молитва 2-я	33
Молитва всем святым и бесплотным Небесным Силам	34
Молитва мученику Трифону	34
Тропарь	34
Кондак	34
Молитва	34
Акафист Покрову Пресвятой Богородицы	34

Кондак 1	34
Икос 1	35
Кондак 2	35
Икос 2	35
Кондак 3	35
Икос 3	35
Кондак 4	36
Икос 4	36
Кондак 5	36
Икос 5	36
Кондак 6	36
Икос 6	37
Кондак 7	37
Икос 7	37
Кондак 8	37
Икос 8	37
Кондак 9	38
Икос 9	38
Кондак 10	38
Икос 10	38
Кондак 11	39
Икос 11	39
Кондак 12	39
Икос 12	39
Кондак 13	39
Молитва о пребывании в доме благодати Господней.	40
Псалом 43	
Молитва перед иконой «Покров Пресвятой Богородицы» о благословении Божиим над домом	41
Молитва священномученику Власию, епископу Севастийскому, о благодати Божией над домом	41
Молитва праведному Иосифу Целомудренному (Прекрасному) о разрешении всех бытовых и имущественных вопросов	42
Молитвы святителю Спиридону, Тримифунтскому чудотворцу	42
Тропарь	42
Молитва 1-я	42
Молитва 2-я	43
Молитва от пожара в доме перед иконой Богородицы «Неопалимая купина»	43
Тропарь	43
Иной тропарь	43
Молитва	43
Молитва Иоанну-воину о защите дома и имущества	44
Тропарь	44
Иной тропарь	44
Кондак	44
Иной кондак	44

Величание	44
Молитва	44
Молитвы об удачном ведении дел	45
Псалом 61	45
Молитва страстотерпцам Борису и Глебу, в крещении	45
Роману и Давиду, о получении работы	
Тропарь	45
Кондак	45
Величание	45
Молитва	45
Молитва великомученику Иоанну Новому Сочавскому о покровительстве в торговле	46
Тропарь	46
Кондак	46
Молитва	46
Молитвы святителю Николаю Чудотворцу об удачном ведении дел	46
Молитва 1-я	46
Молитва 2-я	47
Молитва 3-я	47
Молитвы апостолам Петру и Павлу при открытии работ	48
Молитва 1-я	48
Молитва 2-я	48
Молитва Ангелу-Хранителю об успешном ведении дел	48
Молитва святителю Иоанну Милостивому о помощи в бедности и нужде	49
Тропарь	49
Кондак	49
Молитва	49
Молитвы в пути	50
Молитва Господу о путешествующих	50
Тропарь	50
Кондак	50
Молитва	50
Молитва идущему в путь перед иконой «Одигитрия»	50
Молитва к Архангелу Божьему Рафаилу	51
Молитва преподобным Кириллу и Марии, родителям преподобного Сергия Радонежского	51
Молитва святому великомученику Прокопию	51
Молитва святым сорока мученикам Севастийским	51
Молитва перед отправлением в плавание	52
Молитва для водителя	52
Молитва о благоприятном путешествии. Псалом 41	52
Молитва идущему в путь	52
Акафист святителю Николаю Чудотворцу	53
Кондак 1	53
Икос 1	53
Кондак 2	53
Икос 2	53

Кондак 3	53
Икос 3	54
Кондак 4	54
Икос 4	54
Кондак 5	54
Икос 5	54
Кондак 6	55
Икос 6	55
Кондак 7	55
Икос 7	55
Кондак 8	55
Икос 8	55
Кондак 9	56
Икос 9	56
Кондак 10	56
Икос 10	56
Кондак 11	57
Икос 11	57
Кондак 12	57
Икос 12	57
Кондак 13	57
Молитва перед иконой Николая Чудотворца	58
Молитва перед иконой Богородицы «Одигитрия»	58
Молитвы в просьбе родить здоровых детей	59
Молитвенное воздыхание христианской супруги во время беременности (чтобы благополучно разрешиться)	59
Молитва перед иконой Богородицы «Скоропослушница»	59
Молитва перед иконой Богородицы «Целительница»	59
Молитвы праведным Иоакиму и Анне при детородном неплodстве	60
Молитва 1-я	60
Молитва 2-я	60
Святой Богопраматери Анне, разрешающей узы безчадия и неплодия	61
Молитва Александру Свирскому в просьбе родить мальчика	61
Молитвы беременных женщин о благополучном разрешении	63
Молитва перед иконой Богородицы «Помогательница женам чады роджати»	63
Молитва преподобной Мелании Рымлянине	63
Кондак, глас 4-й	63
Молитвы в трудных родах	64
Молитвы перед иконой Богородицы «Феодоровская»	64
Молитва 1-я	64
Молитва 2-я	64
Молитва 3-я	65
Тропарь, глас 4-й	65
Молитва перед иконой Богородицы «Скоропослушница»	65

Молитва праведным Захарии и Елисавете, родителям святого Иоанна Предтечи	66
Тропарь 1-й святому пророку Захарии	66
Кондак	66
Тропарь 2-й	66
Молитва великомученице Анастасии Узорешительнице	66
Молитва	66
Тропарь, глас 4-й	66
Молитвы великомученице Екатерине	66
Молитва 1-я	66
Молитва 2-я	67
Тропарь, глас 4-й	67
Молитвы о благословении и покровительстве детям	68
Молитвы ко Господу	68
Молитва 1-я	68
Молитва 2-я	68
Молитва 3-я	68
Молитва Божией Матери	69
Молитвы Ангелу-Хранителю младенца	69
Молитва 1-я	69
Молитва 2-я	69
Молитва на благословение ребенка	69
Молитва перед иконой Богородицы «Нечаянная радость»	69
Тропарь	69
Молитва	70
Молитвенное возношение родителей за детей своих	71
Молитва 1-я	71
Молитва 2-я	71
Молитвы перед иконой Богородицы «Взыскание погибших»	72
Молитва 1-я	72
Молитва 2-я	72
Молитва 3-я	72
Тропарь, глас 4-й	73
Молитва мученику Гавриилу Белостокскому	73
Молитвы великомученице Варваре	73
Молитва 1-я	73
Молитва 2-я	73
Молитва 3-я	74
Тропарь, глас 8-й	75
Тропарь, глас 4-й	75
Молитва преподобного Амвросия Оптинского	75
Молитва святым мученицам Вере, Надежде, Любви и матери их Софии о любви и единомыслии между родителями и детьми	76
Молитвы о жизненном устройстве детей	77
Молитва святителю Митрофану, Воронежскому чудотворцу	77
Тропарь, глас 4-й	77

Кондак, глас 8-й	77
Молитва 1-я	77
Молитва 2-я	78
Молитвы о целомудрии и благополучном замужестве дочери	79
Молитвы великомученице Екатерине	79
Молитва 1-я	79
Молитва 2-я	79
Тропарь, глас 4-й	79
Молитва апостолу Андрею Первозванному	79
Молитва	79
Конец ознакомительного фрагмента.	80

Господи, храни моих детей! Сила матери. Молитвы о детях, заговоры, обереги. Защитная книга

Составитель АНДРЕЕВ Виктор

В оформлении обложки использована икона Казанской Божией Матери
Дизайнер обложки Анна Далбуз

© Книжный Клуб «Клуб Семейного Досуга», издание на русском языке, 2015

© ООО «Книжный клуб “Клуб семейного досуга”», г. Белгород, 2015

Введение

В борьбе с видимыми и невидимыми врагами нет более сильного оружия, чем молитва. Особенную же силу имеет молитва матери. Кто, как не она, может испросить у Господа лучшей доли для своего дитяти, кто молится за нас с такой искренностью и воодушевлением!

Православные молитвы – великое оружие, могучая защита, дорогое сокровище, пристань, безопасное убежище и живая вода для истомившейся души. Молитва сопровождала Иисуса в его странствиях. Он молился, а Отец отвечал ему.

Нет ничего равного молитвенному слову: оно делает невозможное реальным, трудное – легким, а неудобное – доступным. Но молитва – это огромный духовный труд, и труд тяжелый: сердце и ум сливаются воедино, и как глаз скользит по строкам священного текста, так они обращаются к Небу в надежде на помощь и поддержку. Искать озарений, сладости и восторженных состояний в молитве небезопасно и неправильно, так как это может привести к гордыне и тяжелому духовному заболеванию. Необходимо стремиться к внимательной и вдумчивой молитве, концентрируя свое внимание на смысле прочитанных молитвословий.

Прежде чем начать молитвословие, нужно несколько минут постоять в тишине, отбросив мысли о повседневных заботах и делах, осенить себя крестом и вполголоса, без суеты начать разговор с Небом. Если во время чтения молитвы вам вдруг захочется продолжить ее своими словами, смело делайте это. По окончании беседы с Богом следует подумать о том, что вам предстоит сделать, и испросить у Всевышнего на это благословения.

Просящий должен быть добр и не делать и не желать никому зла, просьбы же не должны противоречить заповедям Божиим. Очень важно истребить из своего сердца всякую обиду, ненависть, злобу, пошлость. И не должно быть сомнений и неверия. Ведь воздастся нам по вере нашей.

Помните: истинная молитва должна исходить из глубины души. Перед Богом мы должны быть открыты духом и телом и произносить молитву не только устами, но и сердцем.

В этой книге вы найдете не только молитвы, но и заговоры, обереги, обряды.

Любое произнесенное вслух слово имеет огромную силу. К сожалению, люди, хоть и знают это, предпочитают над этим не задумываться. Наверняка с каждым случалось, когда несколько слов, произнесенных «под руку» в лихую или, наоборот, в добрую минуту, каким-то непостижимым образом влияли на дальнейший ход событий.

Именно наши слова и мысли формируют нашу жизнь, хотя порой мы не отдаем себе в этом отчета. Средства массовой информации круглые сутки изливают на нас поток сообщений, побуждая совершать те или иные поступки. С детства мы все испытываем потребность в словах поддержки и утешения и боимся критики и осуждения, особенно от значимых для нас людей!

Некоторые слова, связанные определенным образом, имеют особенную силу. Они изначально предназначены для того, чтобы влиять на ход событий так, как желает того человек, который их произносит. Это магические слова, и известны они далеко не всем. Но всегда существовали особые люди, которые знали их и умели ими пользоваться. Эти слова являются заговорными.

Что же такое заговор? Это набор слов, составленных в таком порядке и таким образом, что при их произнесении в пространстве образуется сильная энергетическая волна, которая действует в определенном направлении. Эта волна влияет не только на того, к кому обращена, но и на того, кто произносит или слушает заговор. Вот почему к заговорам можно прибегать только в крайнем случае, а после их применения обязательно очистить тело и душу и восстановить свои силы. Иногда на это требуется не один день.

Помните, что любой заговор, если произносить его с нечистыми помыслами и черным озлобленным сердцем, несет в себе опасность для того, кто его произносит. Читая заговоры, обязательно нужно надевать платок на голову. Нельзя читать заговоры в церковные праздники и в критические дни.

А что такое оберег? Под этим словом обычно подразумевают предмет, наделенный защитной силой, которая способна поддержать человека в трудную минуту и уберечь от зла. Даже в самом названии «оберег» заложен смысл этого волшебного предмета.

Но у слова «оберег» есть и другое, более глубокое и сакральное значение. Издавна оберегом считается текст, слова в котором подбираются с особой тщательностью и в определенной последовательности. Оберег – это своеобразная молитва к Богу, силам природы, Солнцу или Луне, которая обладает способностью защитить человека от всевозможных бед и неприятностей.

Обряды состоят из символических слов и поступков, которые способны донести заложенную в них информацию тем, кому они предназначены. В обрядах обращаются к могучим силам, способным помочь человеку в решении насущных проблем и вопросов.

Какой бы способ общения с высшими силами вы ни избрали, помните, что наша жизнь на этой Земле – единственная возможность жить по вере, творить добрые дела и, главное, исполнить волю Бога – сделать то, ради чего мы сюда пришли.

Заговоры и обереги, предлагаемые в этой книге, ни в коей мере не соперничают со священными текстами, тем более не противостоят им. Вы, дорогие читатели, вольны выбирать: в поисках помощи и ответа на свои вопросы обратиться к Божественному Слову или же к народной мудрости, проверенной временем. И то и другое имеет свою силу. К тому же ни один обряд не может исполниться без воли и согласия Божьего!

Будущее зависит от наших поступков в прошлом и настоящем. Но мы, к сожалению, не вольны распоряжаться своей судьбой. Иногда мы сталкиваемся с очень сложными ситуациями, с которыми не в состоянии справиться в одиночку, и тогда обращаемся за помощью к могущественным силам, которым подвластно все. Какой способ для этого избрать – выбор каждого человека.

Молитвы

Молитва Господня

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго. Аминь.

Молитва Иисусова

Господи Иисусе Христе, Сыне Божий, помилуй мя, грешного.

Молитва Святому Духу

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша. Аминь.

Молитва Трисвятое

Святой Боже, Святой Крепкий, Святой Бессмертный, помилуй нас. (Читается трижды, с крестным знамением и поясным поклоном.) Слава Отцу, и Сыну, и Святому Духу, ныне и присно и во веки веков. Аминь.

Молитва Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Молитва Пресвятой Богородице

Пресвятая Владычице моя Богородице, святыми Твоими и всеильными мольбами отжени от мене, смиренного и окаянного раба Твоего, уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действ злых свободи мя. Яко благословена еси от всех родов, и славится пречестное имя Твое во веки веков. Аминь.

Песнь Пресвятой Богородице

Богородице Дево, радуйся, Благодатная Марие, Господь с Тобою; благословена Ты в женах и Благословен плод чрева Твоего, яко Спаса родила еси душ наших.

Молитва Ангелу-Хранителю

Святый Ангеле, предстояй окаянной моей души и страстной моей жизни, не остави мене грешнаго, ниже отступи от мене за невоздержание мое. Не даждь места лукавому демону обладати мною, насильством смертнаго сего телесе: укрепи бедствующую и худую мою руку и настави мя на путь спасения. Ей, святой Ангеле Божий, хранителю и покровителю окаянных моей души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякого искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем, и достойна покажет мя раба Своея благости. Аминь.

Символ веры

Символом веры называют краткое и точное изложение христианского вероисповедания. Символ веры состоит из двенадцати догматов православия.

1. Верую во единого Бога Отца, Вседержителя, Творца небу и земли, видимым же всем и невидимым.
2. И во единого Господа Иисуса Христа, Сына Божия, единородного, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша.
3. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася.
4. Распятаго же за ны при Понтийстем Пилате, и страдавша, и погребенна.
5. И воскресшаго в третий день по Писанием.
6. И восшедшаго на небеса, и сидяща одесную Отца.
7. И паки грядущаго со славою судити живым и мертвым, Егоже Царствию не будет конца.
8. И в Духа Святаго, Господа Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки.
9. Во едину Святую, Соборную и Апостольскую Церковь.
10. Исповедую едино крещение во оставление грехов.
11. Чаю воскресения мертвых.
12. И жизни будущаго века. Аминь.

Молитва Господу Иисусу Христу

Иже на всякое время и на всякий час, на небеси и на земли покланяемый и славимый, Христе Боже, долготерпеливе, многомилостиве, многоблагодарне: иже праведных любяй и грешных милуяй, иже вся зовый ко спасению обещания ради будущих благ. Сам, Господи, прими и наша в час сей молитвы, и исправи живот наш к заповедем Твоим; души наша освяти, тела очисти, помышления исправи, мысли очисти; и избави нас от всякия скорби, зол и болезней: огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум непреступных Твоя славы: яко благословен еси во веки веков. Аминь.

Молитва о живых

Спаси, Господи, и помилуй отца моего духовного (имя), родителей моих (имена), сродников (имена), начальников, наставников, благодетелей (имена) и всех православных христиан.

Молитва Честному Кресту

Да воскреснет Бог, и расточатся врази Его, и да бежат от лица Его ненавидящие Его. Яко исчезает дым, да исчезнут; яко тает воск от лица огня, тако да погибнут бесы от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволу и даровавшаго нам тебе, Крест Свой Честный, на прогнание всякого супостата. О Пречестный и Животворящий Кресте Господень! Помогай ми со Святою Госпожею Девею Богородицею и со всеми святыми вовеки. Аминь.

Молитва об усопших

Упокой, Господи, души усопших раб Твоих: родителей моих, сродников, благодетелей (имена) и всех православных христиан, и прости им вся согрешения вольная и невольная, и даруй им Царствие Небесное.

Молитва предначинательная

Господи Иисусе Христе, Сыне Божий, молитв ради Пречистыя Твоея Матере и всех святых помилуй нас. Аминь.

Молитва по соглашению

Молитва по соглашению читается, если в каком-либо тяжелом положении (болезни, бедствии, несчастье) двое или более христиан договариваются (соглашаются) вместе усиленно молиться об избавлении от этой беды.

Господи Иисусе Христе, Сыне Божий, Ты бо рекл еси пречистыми усты Твоими: Аминь глаголю вам, яко аще два от вас совещаеца на земли от всякой вещи, еяже аще просита, будет има от Отца Моего, Иже на Небесех; идеже бо еста два или трие собрани во имя Мое, ту есмь посреде их. Непреложны словеса Твоя, Господи, милосердие Твое безприкладно и человеколюбию Твоему несть конца. Сего ради молим Тя: даруй нам, рабам Твоим (имена), согласившимся просить Тя (просьба), исполнения нашего прошения. Но обаче не якоже мы хотим, но якоже Ты. Да будет во веки воля Твоя. Аминь.

Покаянная молитва. Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Молитва перед лицом опасности. Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убоишися от страха нощнаго, от стрелы летящия во дни, от вещи во тьме преходящая, от сряща, и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрыю и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Мое.

Окончание молитв

Достойно есть яко воистину блажити Тя Богородицу, присноблаженную и пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слово рождшую, сущую Богородицу тя величаем.

Молитвы о покровительстве семейного очага

Молитва Пресвятой Богородице о благополучии в семье

Владычице Преблагословенная, возьми под Свой покров семью мою. Всели в сердца супруга моего и чад наших мир, любовь и непрекословие всему доброму; не допусти никого из семьи моей до разлуки и тяжкого расставания, до преждевременной и внезапной смерти без покаяния. А дом наш и всех нас, живущих в нем, сохрани от огненного запаления, воровского нападения, всякого злаго обстояния, разнаго страхования и дьявольского наваждения. Да и мы купно и раздельно, явно и сокровенно будем прославлять имя Твое Святое всегда, ныне и присно и во веки веков. Аминь. Пресвятая Богородице, спаси нас!

Молитва святой блаженной Ксении Петербургской о всякой семейной и бытовой нужде

О святая блаженная мати Ксение! Под кровом Всевышнего жившая, ведомая и укрепляемая Богоматерию, глад и жажду, хлад и зной, поношения и гонения претерпевшая, дар прозорливости и чудотворения от Бога получившая и под сению Всемогущаго упокоившаяся, днесь же, от славнаго тысячелетия Крещения Руси, Церковь Русская прославляет тя, яко благоуханный цвет. Предстояще на месте твоего погребения, пред образом твоим святым, яко живей ти сущей с нами, молимся ти: приими прошения наша и принеси их ко Престолу милосерднаго Отца Небеснаго, яко дерзновение к Нему имущая; испроси притекающим к тебе вечное спасение, на благая дела и начинания наша щедрое благословение, от всяких бед и скорбей избавление. Предстани святыми твоими молитвами пред Всемилостивым Спасителем нашим о нас, недостойных и грешных. Помози, святая блаженная мати Ксение, младенцы светом святаго Крещения озарити и печатию дара Духа Святаго запечатлети, юныя в вере, честности, богобоязненности и целомудрии воспитати и успехи в учении им стяжати. Болящия и недугующия исцели, супругом любовь и согласие низпосли, монашествующим подвигом добрым подвизатися помози и от поношения огради, пастыри в крепости духа утверди, Церковь и страну нашу сохрани и всех боголюбивых чад в предсмертный час приращения Святых Христовых Таин сподоби, ты бо еси наше скорое услышание и избавление, тебе благодарение возсылаем и с тобою славим Отца и Сына и Святаго Духа, ныне и присно и во веки веков. Аминь.

Молитва святой преподобномученице великой княгине Елисавете о благополучии в супружестве

Тропарь

В красоте земней красоту небесную показала еси, святая преподобномученица Елисавето, и женам-мироносицам Марии и Марфе подражала еси, в служении Богу и людям страждущим. Темже прослави тя Христос Бог, яко едину от святых жен российских, дарующих вам мир и велию милость.

Иной тропарь

Смирением достоинство княжеское сокрывши, богомудрая Елисавето, сугубым служением Марфы и Марии Христа почтила еси. Милосердием, терпением и любовью себе предпочистивши, яко жертва праведная Богу принеслася еси. Мы же, чтуще добродетельное житие и страдания твоя, яко истинную наставницу усердно просим тя: святая мученице великая княгине Елисавето, моли Христа Бога спасти и просветити души наша.

Кондак

От славы царственных, взявши Крест Христов, прешла еси к славе небесней, молящися за врагов, и обрела еси радость вечную, святая мученице княгине Елисавето, с Варварою мученицею. Темже молитесь о душах наших. Аллилуйя!

Величание

Величаем вас, святити преподобномученицы Елисавето и Варваро, и чтим честная страдания ваша, яже за Христа претерпели есте.

Молитва

О святые новомученицы Российския, великая княгине Елисавето и сестро ея крестовая пречестная инокине Варваро, купно путь свой во многих муках скончавшия, евангельския заповеди делом во Обители милосердия совершившия, веры ради православныя подвижающися до смерти в последние времена сия, и добрый плод в терпении страстей Христу принесшия! Молитесь Ему, яко победителю смерти, да утвердит Церковь Русскую Православную и Отечество наше, кровию и страданиями новомучеников искупленная, и не даст в расхищение врагом России достояния нашего. Се бо лукавый враг вооружися на ны, хотя нас погубити в междоусобных бранех, скорбех, нестерпимых печалех, болезнях, нуждах и бедах лютых. Умолите Господа низложить вся немощныя дерзости их; веру в сердцах людей российских укрепите, да егда найдет на ны испытания час, мужества дар восприимем вашими молитвами, отвергшеся себе и взявше крест свой, последуем, Христу, распинающе плоть свою со страстьми и похотьми. Сохраните нас от всякаго зла, освятите пути жизни нашея, даруйте покаяние нелицемерное, тишину и мир душам нашим, испросите у Господа всем нам мытарств горьких и вечныя муки избавитися и Небесному Царствию наследники быти со всеми святыми, от века угодившими Богу, да радуящиеся воздадим хвалу, честь и поклонение Отцу и Сыну и Святому Духу, во веки веков. Аминь.

Молитва Богородице перед иконой «Неопалимая купина» о семейном благополучии

Царице Небесная, Владычице наша, Госпоже вселенная, Пресвятая Богородице, нескверная, неблазная, нетленная, Пречистая, Чистая Приснодево, Марие Богоневесто, Мати Творца твари, Господа славы и Владыки всяческих! Тобою Царь царствующих и Господь господствующих прииде и на земли нам явился. Ты убо Божие милосердие воплощенное, Ты Мати Света и Живота сущи, якоже некогда во чреве Твоем носила Его, и на объятиих Твоих имела еси Младенца Слово Превечное, Бога, тако и всегда Того с Собою имаши. Сего ради мы по Бозе к Тебе прибегаем, яко к нерушимей стене и предстательству: призри милосердием, Всепетая Богородице, на лютое озлобление наше и исцели душ и телес наших

болезни, отжени от нас всякого врага и супостата, избави от глада, мора, от язвы, от вод многих и воздушных тлетворных, и от смерти внезапной; и якоже три отрока в пещи вавилонстей, сохрани и соблюди нас, да якоже древле людем Божиим, тако будут вся благая нам, чтущим Тя; врази же и вси ненавидящие нас да постыдятся и посрамятся, и уразумеют вси, яко с Тобою Господь, о Владычице, и Тобою с нами Бог. Во дни осени нас сению благодати Твоея, во тьме же ночней просвети светом свыше, всем полезная устрояючи; преложи горесть нашу во сладость. Радуйся, и слезы отри согрешивших и бедствующих раб Твоих, исполняючи коегождо прошения вся во благо: вся бо можеш, елико хочеш Ты, Мати Слова и Живота. Тебе Отец венча Дщерь, Сын Матерь Деву, Дух Святой Невесту, да царствуеши яко Царица, предстоящи одесную Святыя Троицы, и милуеши нас якоже хочеш, ныне и присно и во веки веков.

Молитва мученице Параскеве Пятнице о покровительстве семейного очага

Тропарь

Премудрая и всехвальная Христова мученице Параскево, мужескую крепость приемши, женскую же немощь отвергши, диавола победи и мучителя посрами, вопиючи и глаголющи: приидите, тело мое мечом иссеците и огнем сожгите, аз бо радующися иду ко Христу, жениху моему. Тоя молитвами, Христе Боже, спаси души наша.

Молитва

Святая невесто Христова, многострадальная мученице Параскево! Вемы, яко от юности твоя ты всею душею твоею и всем сердцем твоим возлюбила еси Царя Славы, Христа Спасителя, и Ему единому уневестилася еси, раздавши имения твоя неимущим и бедным. Ты силою благочестия твоего, твоим целомудрием и праведностию, яко лучами солнечными, просияла еси, живши свято среди неверных и безбоязненно проповедавши им Христа Бога. Ты, от дней юности твоей, наученная твоими родителями, всегда благоговейно чествовала дни искупительных страстей Господа нашего Иисуса Христа, Егоже ради и сама добровольно пострадала еси. Ты, десницею Ангела Божия от неисцельных ран дивно исцеленная и восприявшая неизреченную светлость, изумила еси неверных мучителей. Ты именем Господа нашего Иисуса Христа и силою молитвы твоя в капище языческом всех идолов долу повергши, в прах сокрушила еси я. Ты, опаляемая свещами, единою молитвою твоею ко Всесильному Господу угасила еси огонь естественный, и темже пламенем, чудесне возженным чрез Ангела Божия, попаливши неистовых беззаконников, мног народ привела еси к познанию Истинного Бога. Ты, во славу Господа приявши мечное главы твоя усечение от мучителей, доблественно скончала еси страдальческий твой подвиг, восшедши душею твоею на небеса в чертог вождельного твоего Жениха Христа, Царя славы, радостно сретшаго тя сим небесным гласом: «Радуйтесь, праведнии, яко мученица Параскева увенчана!» Темже и мы, днесь сошедшие в храм, посвященный имени твоему святому, приветствуем тя, многострадальная, и взирающе на святую твою икону, со умилением вопием ти, всечестная Параскево: вемы, яко велие имаши дерзновение ко Господу, умоли убо Его, Человеколюбца, и о нас предстоящих и молящихся ти, да подаст Он и нам, якоже тебе, терпение и благодушие в бедах и скорбных обстояниях, да дарует Он, ходатайством твоим и заступлением, радостное, благоденственное и мирное житие, здравие и спасение и во всем благое поспешение всем православным христианом. Отечеству же нашему да низпослет святое Свое благословение

и мир, и всем нам да подаст твоими святыми молитвами утверждение в вере, благочестии и святости, преспеяние же в христианской любви и всякой добродетели, да очистит нас грешных от всякия скверны и порока, да оградит нас святыми Своими Ангелами, да заступит, сохранит и помилует всех святою Своею благодатию и соделает наследниками и причастниками Небеснаго Своего Царствия. И тако улучивше спасение твоими святыми молитвами, предстательством и заступлением, всеславная невесто Христова Параскево, прославим вси Пресвятое и Великолепое имя дивнаго во святых Своих истиннаго Бога, Отца и Сына и Святаго Духа, всегда, ныне и присно и во веки веков. Аминь.

Молитвы Ангелу-Хранителю

Молитва 1-я

Ангеле Христов святой, к тебе припадая молюся, Хранителю мой святой, преданный мне на соблюдение души и телу моему грешному от Святого Крещения, аз же своею леностию и своим злым обычаем прогневах твою препричистую светлость и отгнах тя от себе всеми студными делы: лжами, клеветами, завистию, осуждением, презорством, непокорством, братоненавидением и злопомнением, сребролюбием, прелюбодеянием, яростию, скупостию, объядением без сытости и опивством, многоглаголанием, злыми помысли и лукавыми, гордым обычаем и блудным возбешением, имый самохотение на всякое плотское вожделение. О злое мое произволение, егоже и скоти безсловеснии не творят! Да како возможеши воззрети на мя, или приступить ко мне, аки ко псу смердящему? Которыма очима, Ангеле Христов, воззриши на мя, оплетшася зле во гнусных делах? Да како уже возмогу отпущения просити горьким и злым моим и лукавым деянием, в няже впадаю по вся дни и ночи и на всяк час? Но молюся ти припадая, Хранителю мой святой, умиლოსердися на мя грешнаго и недостойнаго раба твоего (имя), буди ми помощник и заступник на злаго моего сопротивника, святыми твоими молитвами, и Царствия Божия причастника мя сотвори со всеми святыми, всегда, и ныне и присно и во веки веков. Аминь.

Молитва 2-я

О святой Ангеле, хранителю и покровителю мой благий! С сердцем сокрушенным и душею болезненною предстою ти, моляся: услыши мя, грешнаго раба своего (имя), с воплем крепким и плачем горьким вопиющего; не помяни беззаконий моих и неправд, имиже аз, окаянный, прогневаю тя по вся дни и часы, и мерзостна себе творю пред Создателем нашим Господем; явися мне милосерд и не отлучайся мене, сквернаго, даже до кончины моея; возбуди мя от сна греховнаго и пособствуй молитвами твоими прочее время живота моего без порока прейти и сотворити плоды достойны покаяния, паче же от смертных падений греховных соблюди мя, да не погибну во отчаянии, и да не порадуется враг о гибели моей. Вем воистинну и усты исповедую, яко никтоже таков друг и предстатель, защититель и поборник, якоже ты, святой Ангеле: предстоя бо Престолу Господню, молишися о мне, непотребном и паче всех грешнейшем, да не изымет Преблагий души моя в день нечаяния моего и в день творения злобы. Не престай убо умилоствляя Премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствами, и имиже весть судьбами, да спасет мя, да накажет мя zde по неизреченной милости Своей, но да не обличит и не истязет мя онамо по нелицеприятному правосудию Своему; да сподобит мя покаяние принести, с покаянием же Божественное Причащение достойне прияти, о сем паче молю и таковаго дара всеусердно желаю. В страшный же час смерти неотступен буди ми, благий хранителю мой, прогоняя мрачныя демоны, имущия устрашити претре-

петную душу мою; защити мя от тех ловления, егда имам преходити воздушныя мытарства, да, храним тобою, безбедно достигну рая, ми вожделеннаго, идеже лица святых и горних Сил непрестанно восхваляют всечестное и великолепое имя в Троице славимаго Бога, Отца и Сына и Святаго Духа, Ему же подобает честь и поклонение во веки веков. Аминь.

Молитва всем святым и бесплотным Небесным Сидам

Боже святыи и во святых почиваи, трисвятым гласом на небеси от Ангел воспеваемый, на земли от человек во святых Своих хвалимый: давый Святым Твоим Духом комуждо благодать по мере дарования Христова, и тою поставивый Церкви Твоей святей овы Апостолы, овы пророки, овы же благовестники, овы пастыри и учителя, их же словом проповеди. Тебе Самому действующему вся во всех, мнози совершишася святыи в коемждо роде и роде, различными добродетельми благоугодившии Тебе, и к Тебе нам образ добрых подвигов своих оставившее, в радости прешедшии, готови, в нем же сами искушении быша, и нам напаствуемым помогати. Сих святых всех воспоминаи и их богоугодное похваляи житие, Тебе Самаго, в них действовавшаго, восхваляю, и онех благотворения Твоя дарования бытии веруя, прилежно молю Тя, святее святых, даждь ми грешному последовати их учению, паче те Твоею вседействующею благодатию, небесныя с ними сподобитися славы, хвалящее пресвятое имя Твое, Отца и Сына и Святаго Духа во веки веков. Аминь.

Молитва мученику Трифону

Тропарь

Мученик Твой, Господи, Трифон, во страдании своем венец прият нетленный от Тебе, Бога нашего; имеяй бо крепость Твою, мучителей низложи, сокруши и демонов немощныя дерзости. Того молитвами спаси души наша.

Кондак

Творческою твердостью многобожие разрушил еси от конец всеславне, честен во Христе быв, и победив мучителей во Христе Спасителе, венец приял еси мученичества твоего, и дарования Божественных исцелений, яко непобедим.

Молитва

О святыи мучениче Христов Трифоне, услыши ныне и на всякий час моление нас, раб Божиих (имена), и предстательствуй о нас пред Господом. Ты некогда дочь цареву, во граде Риме от диавола мучиму, исцелил еси; сице и нас от лютых его козней сохрани во вся дни жития нашего, наипаче же в день последняго нашего издыхания предстательствуй о нас. Моли Господа, да сподобит и нас причастники быти присносущнаго веселия и радости, да с тобою купно удостоимся славити Отца и Сына и Святаго Утешителя Духа во веки веков.

Акафист Покрову Пресвятой Богородицы

Кондак 1

Избранней Предвечным Царем, превышшей всякаго создания Небесе и земли Царице, пришедшей иногда во Влахернскую церковь на молитву, достойное поклонение с благода-

рением приносяще, яко во тьме сущии, под Твой светящийся омофор с верою и умилением прибегаем. Ты же, яко имущи державу непобедимую, от всяких нас бед свободдай, да зовем Ти: Радуйся, Радосте наша, покрый нас от всякаго зла честным Твоим омофором. Аллилуйя.

Икос 1

Архангел и Ангел множество, со Предтечею, Богословом и всех святых ликом, сопредсташа Тебе, Царице своей, в церкви Влахернстей и, умиленная моления Твоя о всем мире слышавше, со удивлением возопиша таковая: Радуйся, Бога Отца безначального предвечное благоволение; радуйся, Бога Сына безлетного пречистое вместилище. Радуйся, Бога Духа Всесвятаго избранное жилище; радуйся, горних чинов Ангельских непрестающее удивление. Радуйся, темных сил адских всегрозное устрашение; радуйся, Юже на воздухе сретают многоочитии Херувими. Радуйся, Ейже похвальная восписуют шестокрилатии Серафими; радуйся, Еяже преблагому покрову и мы, земнороднии, благодарне покланяемся. Радуйся, Радосте наша, покрый нас от всякаго зла честным Твоим омофором.

Кондак 2

Видевше Тя святой Андрей со Епифанием в церкви на воздухе за христиане Богу молящуюся, познаша, яко Матерь еси вознесшагося на Небо Христа Бога нашего, и, припадше на землю, радостно покланяхуся всеблагому покрову Твоему, зовуще: Аллилуйя.

Икос 2

Разум неуразуменен еси, Богородице Дево, в защищении людей православных, сего ради врази наши не познают, коль сильна есть молитва Божия Матере. Мы же, о Твоем всемогнем заступлении добре ведуще, сице к Тебе со умилением зовем: Радуйся, премилосердая Утешительнице всех скорбящих и обремененных; радуйся, неусыпающая Наставнице всех заблуждших и ослепленных. Радуйся, праведно движимый гнев Божий на нас Твоим молением скоро утешающая; радуйся, злая страсти наша всемогшим мановением укрощающая. Радуйся, крепкое возбуждение спящих совестей; радуйся, нетрудное преодоление беззаконных навыков. Радуйся, Еяже ради ад стенет и души злобы трепещут; радуйся, Еяже ради врата Рая всем нам отверзаются. Радуйся, Радосте наша, покрый нас от всякаго зла честным Твоим омофором.

Кондак 3

Сила Вышняго осеняет с верою и благоговением прибегающих к Твоему всечестному покрову: единой бо точию Тебе, Пресвятей и Пречистой Матери Божией, дадеся, да всякое прошение Твое исполнится. Тем убо всяк возраст верных славословит Тя и Сына Твоего, зовущи: Аллилуйя.

Икос 3

Имущи богатство милосердия неоскудное, всем концем земли простираеши руку помощи, Владычице: болящим исцеление, страждущим ослабу, слепым прозрение и всем вся по коегождо потребе подаеши, благодарне вопиющим: Радуйся, Православия несокрушимая крепосте и оградо; радуйся, святых храмов и олтарей первейшее украшение. Радуйся, благочестия вернейшее ограждение; радуйся, благосердых градоправителей неусыпающая Споспешнице. Радуйся, непобедимая Воеводо вождей и воинств христианских; радуйся, святое зеркало правды судиям немздоприимным. Радуйся, совершенный Разуме наставни-

ков и детоводителей; радуйся, благословение домов и семейств благочестивых. Радуйся, Радосте наша, покрый нас от всякого зла честным Твоим омофором.

Кондак 4

Бурею многих бед одержимым нам помогаеши, Владычице: стоиши бо пред лицом олтаря Господня воздвигши руце Твои, и молишися, яко да нашу недостойную молитву призрит Господь, Царь Славы, и послушает прошения призывающих имя Твое святое, к Сыну же Твоему зовущих: Аллилуйя.

Икос 4

Услыша Господь Бог Иисуса Навина, молящаяся и повелевающая солнцу стати, дондеже отмстит врагом. Слышит и Твоя ныне моления Господь Иисус, избранная Палато Духа Святаго. Темже и мы, грешнии, на Твой надеющиеся покров, Тебе, яко Божией Матери, глаголати дерзаем: Радуйся, от Солнца мысленного озаренная и нас светом незаходимым просвещающая; радуйся, сиянием пречистыя души Твоея всю землю просветившая. Радуйся, чистою телесе Твоего вся небеса возвеселившая; радуйся, святых обителей Христовых покров и снабдение. Радуйся, верных пастырей Церкви бодрость и вразумление; радуйся, богобоязненных иноков и инокинь Наставнице. Радуйся, невозмущаемое успокоение благоговейных старцев; радуйся, тайное веселие чистых дев и вдовиц. Радуйся, Радосте наша, покрый нас от всякого зла честным Твоим омофором.

Кондак 5

Боговидец Моисей во ополчении иногда на Амалика, егда руце воздвизаше, Израиль одолеваше, егда же руце низпускаше, тогда Амалик побеждаше, поддерживающими же его укреплен, победи врага. Ты же, о Богомати, воздевши руце Твои на умоление, аще и никимже поддержиша, всегда побеждаеши враги христианския и нам щит еси непобедим, вопиющим: Аллилуйя.

Икос 5

Видевше Тя святых собори на воздухе в церкви Влахернстей молебнии руце к Сыну и Богу простирающую, радостно со Архангелы и Ангелы благодарную Ти песнь воспета. Мы же, крепчайшими, паче Моисеовых рук, дланьма Твоима укрепляеми, умильно вопием: Радуйся, Еяже руце поддержит за всех нас единая Ея к нам любви и милосердие; радуйся, пред Неюже врази наши, видимии и невидимии, стояти не могут. Радуйся, темное полчище страстей и похотей наших прогоняющая; радуйся, Огнь Божественный Христа неопально на руку Своею держащая и нас, хладных, тем воспламеняющая. Радуйся, воинствующих на плоть целомудрием изрядное венчание; радуйся, подвизающихся в посте и безмолвии присное собеседование. Радуйся, изнемогающих от уныния и печали скорая Утешительнице; радуйся, благодатию смирения и терпения снабдевающая. Радуйся, Радосте наша, покрый нас от всякого зла честным Твоим омофором.

Кондак 6

Проповедник неоскудеваемая благодати и милостей Твоих явися святой Роман Сладкопевец, егда от Тебе во сне прият свиток книжный на снадение: тем убо умудрен нача разумно пети во славу Твою, святым же писати похвальная, взывая с верою: Аллилуйя.

Икос 6

Возсияла еси от истинного Солнца Правды Заря, Дево Богоотроковице, просвещающая всех премудростию Бога Сына Твоего и в познание истины приводящая зовущих Ти таковая: Радуйся, Божию Силу и Божию Премудрость Христа плотию породившая; радуйся, юродивую мудрость века сего посрамившая и ослепленных ею на путь правый наставляющая. Радуйся, святая веры охранение и православных догматов Наставнице; радуйся, нечестивых ересей и тлетворных расколов Искоренительнице. Радуйся, тайная и неудобь предвиденная вся добре ведущая и имже подобает сказующая; радуйся, лживых провидцев и суетная гадания посрамляющая. Радуйся, в час недоумений мысль благу на сердце полагающая; радуйся, от пагубных начинаний и несмысленных пожеланий воспящая. Радуйся, Радосте наша, покрый нас от всякого зла честным Твоим омофором.

Кондак 7

Хотяй долготерпеливый Всевидец Господь явити Своего человеколюбия неизследимую щедрот бездну, избра Тебе едину в Матерь Себе и сотвори Тя людям непреодоленное защищение: да аще кто от них и праведным судом Божиим осуждения достоин явится, Твоим обаче державным покровом сохраняется на покаяние, зовый: Аллилуйя.

Икос 7

Дивная показал еси дела Твоя в Пречистой Матери Твоей, Господи, егда пречудным омофор в руце Ея светящийся паче луч солнечных явися, имже покрываше люди, сущия в церкви Влахернстей. О таковом убо знамении милосердаго Ея заступления услышавше, ужасом и радостью одержими, вси глаголаху: Радуйся, нерукотворенный омофор, аки облак, над всем миром распростершая; радуйся, превечнаго Архиерея, Сына Своего, знамение на руце Своей держащая. Радуйся, новую милость и новую благодать сим в Церкви Православной являющая; радуйся, столпе облачный от искушений и соблазнов мира всех нас покрывающий. Радуйся, столпе огненный, среди мглы греха всем нам путь спасения показующий; радуйся, явных благочестия подвижников явное укрепление. Радуйся, тайных среди мира рабов Божиих тайное вразумление; радуйся, и мене, обнаженного добрых дел, не оставляющая Своим покровом и благодатию. Радуйся, Радосте наша, покрый нас от всякого зла честным Твоим омофором.

Кондак 8

Дивно Тя от Небес во Влахернстей церкви являющуюся Ангели воспеша, апостолы прославиша, лик святителей и преподобных и жен святых сословие восхвалиша. Предтеча с Богословом поклонишася, людие же, сущий в церкви, с веселием вопияху: Аллилуйя.

Икос 8

Всеми вышними и нижними владычествуя Господь, узрев Тя в церкви Матерь Свою стоящу и со умилением к Нему молящуюся, рече: «Проси, Мати Моя, зане не отвращуся Тебе, но исполню вся прошения Твоя и благодарственная сице Тебе всех пети научу: Радуйся, Ковчеже Завета, в немже хранится освящение всего рода человеческого; радуйся, стамно пресвятая, в нейже алчущим правды блюдется Хлеб Жизни Вечныя. Радуйся, сосуде всезлатый, в немже уготовася нас ради плоть и кровь Божественнаго Агнца; радуйся, оставленных врачами на свои всемогущны руце приемлющая. Радуйся, расслабленных телом, но не

духом и верою со одра болезни воздвизающая; радуйся, погубляющим от недуга ум новый и лучший смысл подающая. Радуйся, на стропотнем пути греха и страстей нас премудре запинаящая; радуйся, жестокость нераскаянного сердца нашего умиляющая. Радуйся, Радосте наша, покрый нас от всякого зла честным Твоим омофором.

Кондак 9

Все естество Ангельское похвальная приносит Тебе, истенней Божией Матери и Заступнице всех притекающих к Тебе, ведуще, яко несокрушимым покровом Твоим праведных возвеселявши, грешных заступаеши, бедствующих избавляеши и молишися о всех верных, зовущих: Аллилуйя.

Икос 9

Ветия многovesчанные, яко рыбы безгласныя, недоумеют, како восхвалити по достоинию великий всечестнаго Покрова Твоего праздник: вся бо о Тебе от них глаголемая не суть довольна к единому исчислению щедрот Твоих. Мы же, Твоя неисчетная благодеяния видяще, с веселием взываем: Радуйся, от язвы и всегубительства смертнаго нас соблюдающая; радуйся, от внезапнаго колебания земли грады и веси сохраняющая. Радуйся, от разливания вод и потопления рукою крепкою возводящая; радуйся, от запаления огненного рососою молитв Твоих избавляющая. Радуйся, от глада душевнаго и телеснаго Хлебом Жизни снабдающая; радуйся, удары молнии и грома от главы нашея отводящая. Радуйся, от нашествия иноплеменник и тайных убийц спасающая; радуйся, от домашния брани и вражды единокровных миром и любовию ограждающая. Радуйся, Радосте наша, покрый нас от всякого зла честным Твоим омофором.

Кондак 10

Спасти хотяй род человеческий от прелести вражия Человеколюбец Господь Тебе, Матерь Свою, дарова земным нам в помощь, покров и защиту, да будуще печальным утешение, скорбящим радование, обидимым Заступница и да всех из глубины греховныя воздвигнеши, поющих: Аллилуйя.

Икос 10

«Царю Небесный, глаголаше в молитве на воздухе со Ангелы стоящая всенепорочная Царица, приими всякого человека, молящаяся к Тебе и призывающая имя Мое на помощь, да не отыдет от лика Моего тощ и неуслышан». Сию всеблагую молитву слышавше, собори святых благодарно возопиша: Радуйся, чистых руками и сердцем земледельцев благословенными плодами венчающая; радуйся, помощи и праведное мздовоздаяние всем право купно деющим. Радуйся, клятвопреступлений и неправедных стяжаний всенародное обличение; радуйся, бедствующим в пути, на суше и водах внезапное вспоможение. Радуйся, безчадных родителей плодами веры и духа веселящая; радуйся, безматерних сирот незримая Воспитательнице. Радуйся, крепкая Заступнице сущих в плену и изгнании; радуйся, неусыпающая Попечительнице во узах и темнице сидящих. Радуйся, Радосте наша, покрый нас от всякого зла честным Твоим омофором.

Кондак 11

Пение всеумиленное слышаще и теплей Твоей молитве о нас внемлюще, просим Тебе, Дево Богородице, не презри гласа рабов Твоих: к Тебе бо в напастех и скорбех прибегаем и пред Тобою в бедах наших слезы проливаем, зовуще: Аллилуйя.

Икос 11

Яко светоприемную свещу, в молитве горящую, видящи Тя на воздухе Влахернская церковь, согласно со множеством людей, в ней бывших, возглашаше: «Откуда мне сие, да прииде Мати Господа Моего ко мне?» Святый же Андрей со Епифанием тепле моляхуся к Тебе, зовуще: Радуйся, всех даров духовных и телесных независтная Подательнице; радуйся, полагающих начало покаяния грешников верная Предстательнице. Радуйся, борющихся со страстями и прилогами вражиими всегдашняя Споборнице; радуйся, незримое укрощение владык жестоких и зверонравных. Радуйся, тайный покое и отрадо рабов кротких и страждущих; радуйся, всежеланное совершение благих супружеств. Радуйся, матерей деторождающих скорое и безболезненное разрешение; радуйся, в час кончины единая всем нам Помощнице. Радуйся, Радосте наша, покрый нас от всякаго зла честным Твоим омофором.

Кондак 12

Благодать Божественную испроси нам у Сына Твоего и Бога, простри нам руку помощи, отжени от нас всякаго врага и супостата и умири нашу жизнь, да не погибнем люте без покаяния, но приими нас в вечныя кровы, Покровительнице наша, да радующеся Тебе зовем: Аллилуйя.

Икос 12

Поюще Твой державный покров, хвалим Тя вси, яко твердую Предстательницу нашу, и покланяемся Тебе, о нас молящейся: веруем бо и надеемся, яко испросиши у Сына Твоего и Бога благая вечная и временная всем с любовию вопиющим Тебе сице: Радуйся, всей вселенной крепкое заступление; радуйся, всех стихий земных и небесных освящение. Радуйся, всех времен года благословение; радуйся, всех наветов и искушений, от мира, плоти и диавола находящихся, поправление. Радуйся, нечаемое примирение ожесточенно враждующих; радуйся, неведомое исправление нераскаянных грешников. Радуйся, не отвергающая всеми презренных и отверженных; радуйся, самих отчаянных от рова погибели исхищающая. Радуйся, Радосте наша, покрый нас от всякаго зла честным Твоим омофором.

Кондак 13

О Всепетая Мати, Пречистая Госпоже, Дево Богородице! К Тебе возвожду душевныя и телесныя очи, к Тебе простираю расслабленныя руки и из глубины сердца вопию: призри на веру и смирение души моея, покрый мя всемошным омофором Твоим, да избавлюся от всех бед и напастей, и в час кончины моея, о Всеблагая, предстани мне и уготованнаго ради грехов моих избави мучения, да выну покланяясь зову: Аллилуйя.

(Этот кондак читается трижды, затем вновь читается икос 1 и кондак 1.)

Молитва

Царице моя Преблагая, Надеждо моя Богородице, приятелище сирых и странных Предстательнице, бедствующих помощи и озлобляемых покрове, зриши мою напасть, зриши мою скорбь: отсюду искушением одержим есмь, а заступающего несть. Ты убо сама помози ми яко немощну, окорми мя яко странна, настави яко заблуждша, уврачуй и спаси яко безнадежна. Не имамы иныя помощи, не имамы иныя надежды, разве Тебе, Владычице, Ты нам помози, на Тебе надеемся и Тобою хвалимся, Твои бо есми рабы, да не постыдимся. Под Твою милость прибегаем, Богородице Дево, молений наших не призри в скорбех, но от бед избави нас, Едина чистая и благословенная. Аминь.

Тропарь

Днесь благовернии людие светло празднуем, осеняеми Твоим, Богомати, пришествием, и к Твоему взирающе пречистому образу, умильно глаголем: покрый нас честным Твоим Покровом и избави нас от всякаго зла, молящи Сына Твоего, Христа Бога нашего, спасти души наша.

Величание

Величаем Тя, Пресвятая Дево, и чтим Покров Твой честный, Тя бо виде святыи Андрей на воздусе, за ны Христу молящуюся.

Молитва о пребывании в доме благодати Господней. Псалом 43

Боже, ушима нашими услышахом, и отцы наши возвестиша нам дело, еже соделал еси во днех их, во днех древних. Рука твоя языки потреби, и насадил я еси; озлобил еси люди и изгнал еси я. Не бо мечем своим наследил я землю, и мышца их не спасе их, но десница Твоя, и мышца Твоя, и просвещение лица Твоего, яко благоволил еси в них. Ты еси Сам Царь мой и Бог мой, заповедай спасения Иаковля. О Тебе враги наша избодем роги, и о имени Твоем уничижим востающих на ны. Не на лук бо мой уповаю, и мечь мой не спасет мене. Спасл бо еси нас от стужающих нам, и ненавидящих нас посрамил еси. О Бозе похвалимся весь день и о имени Твоем исповемся во век. Ныне же отринул еси и посрамил еси нас, и не изыдеши, Боже, в силах наших. Возвратил еси нас вспять при вразех наших, и ненавидящих нас расхищаху себе. Дал еси нас яко овцы, снеди, и во языцех разсеял ны еси. Отдал еси люди Твоя без цены, и не бе множество в восклицаниих наших. Положил еси нас поношение соседом нашим, подражание и поругание сущим окрест нас. Положил еси нас в притчу во языцех, покиванию главы в людех. Весь день срам мой предо мною есть, и студ лица моего покры мя: от гласа поношающего и оклеветающего, от лица вражия и изгоняющего. Сия вся приидоша на ны, и не забыхом Тебе, и не неправдовахом в завете Твоем. И не отступи вспять сердце наше, и уклонил еси стези наша от пути Твоего. Яко смирил еси нас на месте озлобления, и прикры ны сень смертная. Аще забыхом имя Бога нашего и аще вздохом руки наша к богу чуждому. Не Бог ли възвещает сих? Той бо весть тайная сердца. Зане Тебе ради умерщвляемся весь день, вменихомся яко овцы заколения. Востани, вскую спиши, Господи? Воскресни и не отрини до конца. Вскую лице Твое отвращаеши? Забываеши нищету нашу и скорбь нашу? Яко смирился в персть душа наша, прильпе земли утроба наша. Воскресни, Господи, помози нам и избави нас имене ради Твоего.

Молитва перед иконой «Покров Пресвятой Богородицы» о благословении Божиим над домом

О Пресвятая Дево, Мати Господа вышних сил, небесе и земли Царице, града и страны наша всемогущая Заступнице! Приими хвалебно-благодарственное пение сие от нас, недостойных раб Твоих, и вознеси молитвы наша ко Престолу Бога Сына Твоего, да милостив будет неправдам нашим и пробавит благодать Свою чтущим Всечестное имя Твое и с верою и любовью поклоняющимся чудотворному образу Твоему. Несмы бо достойни от Него помиловани быти, аще не Ты умилоставиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорой Заступнице нашей: услыши нас молящихся Тебе, осени нас вседержавным покровом Твоим и испроси у Бога Сына Твоего пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание, всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощныя люди Твоя, разсеянные собери, заблудшыя на путь правый настави, старость поддержи, юныя уцеломудри, младенцы воспитай, и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наша ко зрению спасения, милостива нам буди зде и тамо, в стране земнаго пришельствия и на страшном суде Сына Твоего, преставльшиися же в вере и покаянии от жития сего отцы и братию нашу в вечнои жизни со Ангелы и со всеми святыми жити сотвори. Ты бо еси, Госпоже, слава небесных и упование земных, Ты по Бозе наша Надежда и Заступница всех притекающих к Тебе с верою. Тебе убо молимся, и Тебе, яко Всемогущей Помощнице, сами себе и друг друга и весь живот наш предадим, ныне и присно и во веки веков. Аминь.

Молитва священномученику Власию, епископу Севастийскому, о благодати Божией над домом

О многострадальный отче, великий угодниче Божий, священномучениче Власие! Услыши нас грешных к тебе прибегающих и тепле тебе молящихся. Буря многих зол, бед и скорбей обдержит нас, болезни душевныя и телесныя и всякие наводнения вражия обуравают нас. Мы же нерадим о спасении нашем, ниже достойны есмы по грехом нашим у Господа помощи просити. Но ты, добрый пастырю, велие дерзновение имей у милостиваго Бога, якоже иногда ведомый на мучения твоя, вдовицы слезящия, приникшия к тебе, не отринул еси, ину бо от напасти зверя свободил еси, иныя же отроку исцеление у Господа испросил еси. Такжеже и ныне призри на чада твоя в час сей к тебе притекшия, утешения и помощи просящия. Ты убо Господа умолил еси, аще кая болезнь или беда имут кому быти и той помянет имя твое помощи всякому в прославление Его Пресвятаго Имени. Не отрини нас, молящихся тебе, но якоже обещался еси, во благо сотвори всякое прошение наше, по милости Всеблагаго Бога, Ему же честь и слава во веки веков. Аминь.

Молитва праведному Иосифу Целомудренному (Прекрасному) о разрешении всех бытовых и имущественных вопросов

О святой угодниче Божий, праведне Иосифе! Подвигом добрым подвизався на земли, восприял еси на Небесех венец правды, егоже уготовал есть Господь всем любящим Его. Темже взирающе на святой твой образ, радуемся о преславнем скончании жительства твоего и чтем святую память твою. Ты же, предстоя Престолу Божию, приими моления наша и ко Всемилостивому Богу принеси, о еже простити нам всякое прегрешение и помощи нам стати противу кознем диавольским, да избавимся от скорбей, болезней, бед и напастей и всякого зла, благочестно и праведно проживем в нынешнем веке и сподобимся предстательством твоим, аще и недостойны есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

Молитвы святителю Спиридону, Тримифунтскому чудотворцу

Тропарь

Собора Первого показался еси поборник и чудотворец, Богоносне Спиридоне, отче наш. Темже мертву ты во гробе возгласив, и змию в злато претворил еси, и внегда пети тебе святые молитвы Ангелы, сослужащая тебе, имел еси, священнейший. Слава Давшему тебе крепость, слава Венчавшему тя, слава Действующему тобою всем исцеления.

Молитва 1-я

О великий и пречудный святителю Христов и чудотворче Спиридоне, Керкирская похвало, всея вселенныя светильниче пресветлый, теплый к Богу молитвенниче и всем к тебе прибегающим и с верою молящимся скоропредстательный заступниче! Ты веру православную на Никейском Соборе посреде отцев преславно изъяснил еси, ты Единство Святых Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе и сильным твоим предстательством у Господа избави нас от всякого злаго обстояния: от глада, потопа, огня и смертоносных язв. Ты бо во временней жизни своей от всех сих бедствий избавлял еси людей твоих: от нашествия агарян и от глада страну твою сохранил еси, царя от неисцельного недуга избавил и многия грешники к покаянию привел еси, мертвых преславно воскрешал еси, за святость жития твоего Ангелы, невидимо в церкви поющие и сослужащая тебе, имел еси.

Сице убо прослави тебе, вернаго Своего раба, Владыко Христос, яко вся тайная человеческая деяния дарова тебе разумети и обличати неправедно живущия. Многим, в скудости и недостаточестве живущим, ты усердно помогал еси, люди убогия изобильно во время глада напитал еси и ина многа знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдные и мирные, и блаженства вечнаго в будущем веке сподобит нас, да выну возсылаем славу и благодарение Отцу и Сыну и Духу Святому, ныне и присно и во веки веков.

Молитва 2-я

О преблаженне святителю Спиридоне! Умоли благосердие Человеколюбца Бога, да не осудит нас по беззаконию нашим, но да сотворит с нами по милости Своей. Испроси нам, рабам Божиим (имена), у Христа и Бога нашего мирное безмятежное житие, здравие душевное и телесное. Избави нас от всяких бед душевных и телесных, от всех томлений и диавольских наветов. Поминай нас у престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдные и мирныя и блаженства вечнаго в будущем веце сподобит нас, да непрестанно возсылаем славу и благодарение Отцу и Сыну и Духу Святому, ныне и присно и во веки веков.

Молитва от пожара в доме перед иконой Богородицы «Неопалимая купина»

Тропарь

Иже в купине огнем горящей и несгораемой, показавый Моисееви Пречистую Твою Матерь, Христе Боже, огонь Божества неопальне во чреве приемшую и нетленну по рождении пребывшую: Тоя молитвами пламене страстей избави нас, и от огненных запалений град Твой сохрани, яко многомилостив.

Иной тропарь

Иже во огни купины неопалимая, древле Моисеем виденная, тайну воплощения Своего от неискусобрачныя Девы Марии преобразовавый, той и ныне, яко чудес Творец и всея твари Создатель, икону Ея святую чудесы многими прослави, даровав ю верным во исцеление недугом и в защищение от огненного запаления. Сего ради вопием Препоблагословенней: Надеждо христиан, от лютых бед, огня и грома избави на Тя уповающие, и спаси души наша, яко милосерда.

Молитва

О Пресвятая Дево, Мати Господа Вышняго, Заступнице и Покровительнице всех, к Тебе прибегающих! Призри с высоты святыя Своея на мя грешнаго, припадающаго к чудотворному лику Твоему: услыши мою смиренную молитву и принеси ю пред возлюбленного Сына Твоего, Господа нашего Иисуса Христа: умоли Его, да просветит мрачную мою душу светом Божественных благодати Своея, да избавит мя от всякия нужды, скорби и болезни, да ниспослет мне тихое и мирное житие, здравие телесное и душевное, да успокоит страждущее сердце мое и исцелит раны его, да вразумит мя на добрая дела, очистит ум мой от помышлений суетных, наставит мя ко исполнению заповедей Своих, избавит от вечныя муки и не лишит Своего Небеснаго Царствия. О Пресвятая Богородице, Ты «Всех скорбящих Радосте», услыши и мя скорбнаго. Ты, именуемая «Утоление печали», утоли и мою печаль. Ты «Купина неопалимая», сохрани мир и всех нас от вредоносных, огненных стрел врага. Ты «Взыскание погибших», не попусти и мне погибнуть в бездне грехов моих. На Тя по Бозе вся моя надежда и упование! Буди мне Покровительницею в жизни временной и вечной и Ходатаицею пред возлюбленным Сыном Твоим, Господом нашим, Иисусом Христом. Научи мя служить Ему с верою и любовью и благоговейно чтити Тебе, Пресвятая Мати Божия,

Препоблагословенная Марие! Твоим святым молитвам вручаю себе до скончания дней моих. Аминь.

Молитва Иоанну-воину о защите дома и имущества

Тропарь

Всеблагаго Бога и Царя благоверный раб и воин явился еси, Иоанне чудодетелю, пострадав бо ради веры мужески, блаженно же скончав течение, зриши Всетворца Господа в небесех светлейше. От Негоже прием дарование чудес, страждущим человеком во всяких напастех помогаеши, укрепляеши воины в ратех, от врагов пленения, ран же и внезапных смертей и от бед лютых изымаеши. Темже моли Владыку Христа, приснопамятно, да во всяком обстоянии сотворит нам милость, и не введет нас во искушение, но спасет души наша, яко Человеколюбец.

Иной тропарь

Блаженство евангельское возлюбив, Богомудре Иоанне, чистоту сердца девством почтил еси. Темже суету мира сего пренебрег, устремился еси зрети Бога, Иже тя прослави чудесы во врачевании различне страждущих. Сего ради молим тя, проси нам у Христа Господа от всяких скорбей избавления и получения Царства Небеснаго.

Кондак

Благочестиваго воина Христова, победившаго враги душевныя и телесныя Богомудренно, Иоанна мученика достоительно песньми восхвалим: чудодействуя бо врачует богато-дарно скорбящая люди, и молится Господу Богу от всяких бед спасти правочерныя. Аллилуйя.

Иной кондак

Великая скорбным людем радость в бедах обретаешися, чудотворче Иоанне: всякия бо страсти молящим тя врачуеши, исполняя их прошения. Темже и ныне моли Господа, да спасет ны в милости Своей. Аллилуйя.

Величание

Величаем тя, страстотерпче святыи Иоанне, и чтим честная страдания твоя, яже за Христа претерпел еси.

Молитва

О великий Христов мучениче Иоанне, правочерных поборниче, врагов прогонителю и обидимых заступниче! Услыши нас, в бедах и скорбех молящихся тебе, яко дана тебе бысть благодать от Бога печальныя утешати, немощным помогати, невинныя от напрасныя смерти избавляти и за всех зле страждущих молиться. Буди убо и нам поборник крепок на вся видимыя и невидимыя враги наша, яко да твоею помощию и поборством по нас посрамятся вси являющии нам злая. Умоли Господа нашего, да сподобит ны, грешныя и недостойныя рабы Своя, получитьи от Него неизреченная благая, яже уготовал любящим Его, в Троице Святей славимаго Бога, всегда, ныне и присно и во веки веков. Аминь.

Молитвы об удачном ведении дел

Псалом 61

Не Богу ли повинется душа моя? От Того бо спасение мое. Ибо Той Бог мой и Спас мой, Заступник мой, не подвижуся наипаче. Доколе належите на человека? Убиваете вси вы, яко стене преклонене, и оплоту возриновену. Обаче цену мою совещаща отринуту, текоша в жажди, усты своими благословляху и сердцем своим кленяху. Обаче Богови повинися, душе моя; яко от Того терпение мое. Ибо Той Бог мой и Спас мой, Заступник мой, не преселюся. О Бозе спасение мое и слава моя, Бог помощи моея, и упование мое на Бога. Уповайте на него весь сонм людей, излийте пред Ним сердца ваша, яко Бог Помощник наш. Обаче суетни сынове человечестии, лживи сынове человечестии в мерилех еже неправдовати, тии от суеты вкупе. Не уповайте на неправду и на восхищение не желайте. Богатство аще течет, не прилагайте сердца. Единою глаголит Бог, двоя сия слышах, зане держава Божия, и Твоя, Господи, милость, яко Ты воздаси комуждо по делом его.

Молитва страстотерпцам Борису и Глебу, в крещении Роману и Давиду, о получении работы

Тропарь

Правдивая страстотерпца, и истинная Евангелия Христова послушателя, целомудренный Романа с незлобивым Давидом, не сопротив стаща врагу сущу брату, убивающему телеса ваша, душам же коснуться не могушу. Да плачется убо злый властолюбец, вы же радующеся с лики Ангельскими, предстояще Святей Троице, молитесь о державе сродников наших богоугодней быти, и сыновом Российским спастися.

Кондак

Возсия днесь преславная память ваша, благороднии страстотерпцы Христовы, Романа и Давиде, созывающе нас к похвалению Христа Бога нашего. Тем притекающе к раце мощей ваших, исцеления дар приемлем молитвами вашими, святии: вы бо Божественнии врачеве есте. Аллилуйя.

Величание

Величаем вас, страстотерпцы святии, и чтим честная страдания ваша, яже за Христа претерпели есте.

Молитва

О двоице священная, братия прекрасная, доблии страстотерпцы Борисе и Глебе, от юности Христу верою, чистотою и любовью послуживший, и кровью своими, яко багрянцею, украсившийся, и ныне со Христом царствующий! Не забудьте и нас, сущих на земли, но яко теплии заступницы, вашим сильным ходатайством пред Христом Богом сохраните юных во святей вере и чистоте неврежденными от всякаго прилога неверия и нечистоты, оградите всех нас от всякия скорби, озлоблений и напрасныя смерти, укротите всякую вражду

и злобу, действием диавола воздвигаемую от ближних и чуждых. Молим вас, христоролюбивии страстотерпцы, испросите у Великодаровитаго Владыки всем нам оставление прегрешений наших, единомыслие и здравие, избавление от нашествия иноплемennых, междоусобных брани, язвы и глада. Снабдевайте своим заступлением град сей и всех, чтущих святую память вашу, во веки веков. Аминь.

Молитва великомученику Иоанну Новому Сочавскому о покровительстве в торговле

Тропарь

Житие на земли добре окормляя, страдальче, милостынями, и частыми молитвами, и слезами, паки же ко страданию мужески устремився, персское обличил еси нечестие. Темже Церкве был еси утверждение и христиан похвало, Иоанне приснопамятне.

Кондак

Морскую плавая пучину куплею, от востока тщался еси к северу, но Богу призвавшу ты, якоже Матфей мытницу, ты же куплю оставль, и Тому последовал еси кровию мучения, временными испуив непроходимая, и венец приял еси непобедимый. Аллилуйя.

Молитва

О святой угодниче Божий Иоанне! Подвигом добрым подвизався на земли, восприял еси на Небесех венец правды, егоже уготовал есть Господь всем любящим Его. Темже взирающе на святой твой образ, радуемся о преславнем скончании жительства твоего и чтем святую память твою. Ты же, предстоя Престолу Божию, приими моления наша и ко Всемилостивому Богу принеси, о еже простити нам всякое прегрешение и помощи нам стати противу кознем диавольским, да избавльшеся от скорбей, болезней, бед и напастей и всякого зла, благочестно и праведно проживем в нынешнем веке и сподобимся предстательством твоим, аще и недостойни есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

Молитвы святителю Николаю Чудотворцу об удачном ведении дел

Молитва 1-я

О всехвальный и всечестный архиерею, великий чудотворче, святителю Христов, отче Николае, человеке Божий, и верный рабе, муже желаний, сосуде избранный, крепкий столпе церковный, светильниче пресветлый, звездо осиявающая и освещающая всю вселенную, ты еси праведник, яко финикс процветший, насажденный во дворах Господа своего: живый в Мирех, миром благоухал еси, и миро присноотекущее благодати Божия источаеши. Твоим шествием, пресвятой отче, море освятится, егда многочудесныя твоя мощи шествоваху во град Барский, от востока до запада хвалити имя Господне. О преизящный и предивный чудотворче, скорый помощниче, теплый заступниче, пастырю предобрый, спасающий словесное стадо от всяких бед, тебе прославляем и тебе величаем, яко надежду всех христиан, источника чудес, защитителя верных, премудраго учителя, алчущих кормителя, плачущих

веселие, нагих одеяние, болящих врача, по морю плавающих управителя, пленников свободителя, вдов и сирот питателя и заступника, целомудрия хранителя, младенцев кроткого наказателя, старых укрепление, постников наставника, труждающихся упокоение, нищих и убогих изобильное богатство. Услыши нас, молящихся тебе и прибегающих под кров твой, яви предстательство твое о нас к Вышнему и исходатайствуй твоими Богоприятными молитвами вся полезная ко спасению душ и телес наших: сохрани святую обитель сию, всякий град и весь, и всякую страну христианскую, и люди живущия, от всякого озлобления помощию твою: вемы бо, вемы, яко много может молитва праведного, поспешествующая во благое: тебе же праведного по преблагословенней Деве Марии, предстателя ко Всемилостивому Богу имамы, и к твоему, преблагий отче, теплому ходатайству и заступлению смиренно притекаем: ты нас соблюди яко бодрый и добрый пастырь, от всяких врагов, губительства, труса, града, глада, потопа, огня, меча, нашествия иноплемеников, и во всяких бедах и скорбех наших подавай нам руку помощи и отверзи двери милосердия Божия; понеже недостойны есмы зрети высоту небесную, от множества неправд наших: связаны есмы узами греховными, и николиже воли Создателя нашего сотворихом, ни сохранихом повелений Его. Тем же преклоняем колена сокрушенна и смиренна сердца нашего к Зиждителю своему, и твоего отеческаго заступления к нему просим: помози нам, угодниче Божий, да не погибнем со беззаконии нашими, избави нас от всякого зла, и от всякие вещи сопротивныя, управи ум наш, и укрепи сердце наше в правой вере, в ней же твоим предстательством и ходатайством, ни ранами, ни прещением, ни мором, ни коим гневом от Создателя своего умалени будем, но мирное zde проживем житие, и да сподобимся видети благая на земли живых, славяще Отца и Сына и Святаго Духа, единого в Троице славимаго и поклоняемаго Бога, ныне и присно и во веки веков. Аминь.

Молитва 2-я

О великий заступниче, архиерею Божий, Николае преблаженне, иже подсолнечную осиявый чудесы, призывающим же тя скорый услышатель являйся, ихже присно предворяеши и спасаеши, и избавляеши, и от бед всяческих изымаеши, от Бога данною ти чудес и даров благодатию! Услыши мя недостойнаго, с верою тя призывающа и молебное тебе приносяща пение; тебе бо ходатая на умоление ко Христу предлагаю. О пресловущий в чудесех, святителем высоту, яко имеяй дерзновение, скоро Владыце предстани, и преподобнии свои руце молебне к Нему простри о мне грешнем, и от Него щедроты благодати подаждь ми, и приими мя в свое заступление, и от всех бед и зол мя избави, от нашествия врагов видимых и невидимых свободя, и тех всех наветы и злохитрства погубляя, и борющихся мя во всей жизни моей отражая; прегрешением же моим прощение испроси, и спасена мя Христу представи и Царствия Небеснаго сподоби улучшить за множество того человеколюбия, емуже подобае всякая слава, честь и поклонение, со безначальным его Отцем, и с Пресвятым и Благим и Животворящим Духом, ныне и присно и во веки веков.

Молитва 3-я

О всеблагий отче Николае, пастырю и учителю всех, верою притекающих к твоему заступлению и теплою молитвою тебе призывающих! Скоро потщися и избави Христово стадо от волков, губящих е; и всякую страну христианскую огради и сохрани святыми твоими молитвами, от мирскаго мятежа, труса, нашествия иноплемеников и междоусобных брани, от глада, потопа, огня и напрасныя смерти; и якоже помиловал еси триех мужей в темнице сидящих и избавил еси их царева гнева и посечения мечнаго, тако помилуй и мене, умом, словом и делом во тьме грехов суща, избави мя гнева Божия и вечныя казни, яко да твоим ходатайством и помощию. Своим же милосердием и благодатию Христос Бог тихое

и безгрешное житие даст ми пожити в вещи сем и избавит мя шуияго стояния, сподобит же деснаго со всеми святыми. Аминь.

Молитвы апостолам Петру и Павлу при открытии работ

Молитва 1-я

О святии апостоли Петре и Павле, не отлучайтесь духом от нас, грешных раб Божиих (имена), да не разлучимся вконец от любви Божия, но крепким заступлением вашим нас защитите, да помилует Господь всех нас молитв ваших ради, да истребит же рукописание безмерных грехов наших, и да сподобит со всеми святыми блаженного Царствия и брака Агнца Своего, Емуже честь и слава, и благодарение и поклонение во веки веков.

Молитва 2-я

О верховнии Апостоле: Петре, веры Христовой твердый изобразителю, и Павле, сладковещательная ластовице учения Господня! Зрим вас, аки многотекущую реку сказаний Христовых словес, истекающую от истинных недр Божиих и всю глубину кладезя истин богооткровенных пред нами, жаждущими их, открывающую. Зрим вас, аки светила, с небесе токи теплоты любви божественныя нам уясняющая: ублажаем вас, приемших труды и поты, во еже всеяти учений божественных семена: целуем стопы ваша, обтекавшие вся концы земли, и в трепете греховнем зрим главы ваша, смиренно преклоненныя к пречистым стопам Господним: единого крестным путем (повешением) и другого мечным усечением. Умильно просим вас, святии Апостоли, сотворите и нас в буюсти греховней преклоненными пред Учителем нашим Господом, сотворите гордости нашей главы усекновение учением богооткровенным: глад душевный наш да утолит Господь брашном, указуемым с самага неба, якоже Петру: ты же, Павле, богонасыщенный Христовых словес, потщися и нас до третьяго небесе возвести твоими непрестанными о нас ко Господу молитвами, да и мы тамо прославим с лики Ангельскими и апостольскими дивнаго во святых своих Отца всяческих и Его же послал в мир спасая и наставляя к жизни вечной, Господа Иисуса Христа, и единосущнаго Им Святаго Духа. Аминь.

Молитва Ангелу-Хранителю об успешном ведении дел

Господи помилуй! Господи помилуй! Господи помилуй! Святый Ангеле, предстояй мне во днешнем дне и в будущем дне! Буди мне помощник в делах моих. Да ни в коемже гресе прогневаю Бога! Но прославлю его! Да достойна мя покажеша благости Господа нашего! Подай мне, Ангеле, помощь твою в моем деле, дабы трудился я на благо человек и во славу Господа! Помоги мне, быть зело сильне супротив врага моего и врага рода человеческого. Помоги мне, Ангеле, исполнить волю Господа и быть в ладу со слугами Божиими. Помоги мне, Ангеле, поставить дело мое во благо человек господних и во славу Господа. Помоги мне, Ангеле, процветать делу моему во благо человек господних и во славу Господа! Аминь.

Молитва святителю Иоанну Милостивому о помощи в бедности и нужде

Тропарь

В терпении твоём стяжал еси мзду твою, отче преподобне, в молитвах непрестанно терпевый, нищия возлюбивый и сия удовливый, но молися Христу Богу, Иоанне милостиве, блаженне, спасися душам нашим.

Кондак

Богатство твое расточил еси убогим и Небесное богатство ныне восприял еси, Иоанне всеумудре, сего ради вси тя почитаем, совершающе память твою, милостыни о тезоимените! Аллилуйя.

Молитва

Святителю Божий Иоанне, милостивый защитниче сирых и сущих в напастех! К тебе прибегаем и тебе молимся, яко скорому покровителю всех ищущих от Бога утешения в бедах и скорбех. Не престай, моляся ко Господу о всех с верою притекающих к тебе! Ты, преисполнен сый Христовы любви и благодати, явился еси яко чудный чертог добродетели милосердия и стяжал еси себе имя «милостивый». Ты был еси яко река, непрестанно текущая щедрыми милостынями и всех жаждущих обильно напаяющая. Веруем, яко по переселении от земли на небо, усугубися в тебе дар благодати сея и яко соделался еси неисчерпаемый сосуд всякия благодати. Сотвори убо твоим ходатайством и заступлением пред Богом «всякия утехи», да вси, прибегающий к тебе, обретают мир и безмятежие: даруй им утешение в печалех временных и пособие в нуждах житейских, всели в них надежду вечного упокоения во Царствии Небеснем. В житии твоём на земли ты был еси пристанище всем сущим во всякой беде и нужде, обидимым и недугующим, и ни один от притекавших к тебе и просивших у тебе милости лишен бысть твоя благодать. Тожде и ныне, царствуя со Христом на Небеси, яви всем поклоняющимся пред честною твоею иконою и молящимся о помощи и заступлении. Не точию сам ты творил еси милость безпомощным, но и сердца других воздвигал еси ко утешению немощных и ко призрению убогих. Подвигни убо и ныне сердца верных к заступлению сирых, ко утешению скорбящих и успокоению неимущих. Да не оскудевают в них дары милости, паче же да вселится в них и в дому сем, призревающим страждущих, мир и радость о Духе Святе, во славу Господа и Спаса нашего Иисуса Христа, во веки веков. Аминь.

Молитвы в пути

Молитва Господу о путешествующих

Тропарь

Путь и истина сый, Христе, спутника Ангела Твоего рабом Твоим ныне, якоже Товии иногда, послы сохраняюща, и невредимых, к славе Твоей, от всякаго зла во всяком благополучии соблюдающа, молитвами Богородицы, Едино Человеколюбче.

Кондак

Луце и Клеопе во Еммаус спутешествовавый, Спасе, сшествуй и ныне рабом Твоим, путешествовати хотящим, от всякаго избавляя их злаго обстояния: вся бо Ты, яко Человеколюбец, можеша хотяй. Аллилуйя.

Молитва

Господи Иисусе Христе Боже наш, истинный и живой путь, состранствовати мнимому Твоему отцу Иосифу и Пречистой Ти Деве Матери во Египет изволивый, и Луце и Клеопе во Еммаус спутешествовавый! И ныне смиренно молим Тя, Владыко Пресвятый, и рабом Твоим сим (имена) Твоею благодатию спутешествуй. И якоже рабу Твоему Товии, Ангела Хранителя и наставника послы, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождающа, и паки цело и безмятежно возвращающа; и даждь им все благое свое намерение ко благоугождению Твоему благополучно в славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. Аминь.

Молитва идущему в путь перед иконой «Одигитрия»

О Пресвятая Владычице моя, Дево Богородице, Одигитрие, покровительнице и упование спасения моего! Се в путь, мне предстоящий, ныне хочу отлучиться и на время сие вручаю Тебе, милосердой Матери моей, душу и тело мое, вся умныя моя и вещественныя силы, всего себеверяя в крепкое Твое смотрение и всесильную Твою помощь. О благая Спутнице и Защитнице моя! Усердно молю Тя, да не ползок путь мой сей будет, руководи мя на нем, и направи его, Всесвятая Одигитрие, якоже Сама веси, ко славе Сына Твоего, Господа моего Иисуса Христа, буди ми во всем помощнице, наипаче же в сем дальнем и многотрудном путешествии соблюди мя под державным покровом Твоим от всяких находящих бед и скорбей, от враг видимых и невидимых, и моли о мне, Госпоже моя, Сына Твоего Христа Бога нашего, да послет в помощь мне Ангела Своего мирна, верна наставника и хранителя, да якоже древле даровал есть рабу Своему Товии Рафаила, на всяком месте и во всякое время хранивша его в пути от всякаго зла: тако и мой путь благополучно управив и сохранив мя небесною силою, здрава да возвратит мя, мирна и всецела к жилищу моему во славу имени Своего Святаго, славяща и благословяща Его во вся дни живота моего и Тебе величающа, ныне и присно, и во веки веков. Аминь.

Молитва к Архангелу Божьему Рафаилу

О святой Архангеле Рафаиле! Всеусердно молим тя, буди нам путеводитель в жизни нашей, сохрани от всех видимых и невидимых враг, исцели душевные и телесные болезни наша, управи жизнь нашу к покаянию во гресех и ко творению добрых дел. О святой великий Рафаиле Архангеле! Услыши нас, грешных рабов Божиих (имена), молящихся тебе, и сподоби в здешней и в будущей жизни благодарити и славить общего Создателя нашего в безконечные веки веков.

Молитва преподобным Кириллу и Марии, родителям преподобного Сергия Радонежского

О рабы Божии, схимонаше Кирилле и схимонахине Марие! Внемлите смиренному молению нашему. Аще бо временное житие ваше скончали есте, но духом от нас не отступаете, присно по заповедям Господним шествовати нас научающе и крест свой терпеливо носить нам пособствуяще. Се бо вкупе со преподобным и богоносным отцем нашим Сергием, вашим возлюбленным сыном, дерзновение ко Христу Богу и ко Пречистой Его Матери стяжали есте. Темже и ныне будите молитвенницы и ходатаи о нас, недостойных рабах Божиих (имена). Будите нам заступницы крепции, да верою живуще, заступлением вашим сохраняеми, невремени от бесов и от человек злых пребудем, славяще Святую Троицу, Отца и Сына и Святого Духа, ныне и присно и во веки веков. Аминь.

Молитва святому великомученику Прокопию

О святой страстотерпче Христов Прокопие! Услыши нас грешных, предстоящих ныне пред Святою иконою твоею и умильно молящих тя: помолимся о нас (имена) к Иисусу Христу Богу нашему и Его рождшей Матери, Владычице нашей Богородице, еже отпустить нам согрешения наша, яже содеяхом. Испроси у Господа к пользе душевной и телесной милость, мир, благословение, во еже избавитися нам всем в день судный страшный, шуия части спаситися, стати же одесную со избранными Его к наследию Царствия Небесного, яко Тому подobaет всякая слава, честь и поклонение со Безначальным Его Отцем и Пресвятым и Благим и Животворящим Его Духом, ныне и присно и во веки веков. Аминь.

Молитва святым сорока мученикам Севастийским

О святые, славные страстотерпцы Христовы, четыредесяте, во граде Севастии Христа ради мужественно пострадавшие, через огонь бо и воду проидосте и, яко друзья Христовы, в покой Небесного Царствия вшедше, имате великое дерзновение ко Пресвятей Троице ходатайствовать о роде христианском, наипаче же о почитающих святую память вашу и с верою и любовью вас призывающих. Испросите у Всещедраго Бога прощение согрешений наших и жития нашего исправление, да в покаянии и нелицемерной любви друг к другу поживши, со дерзновением предстанем Страшному Судищу Христову вашим предстательством. Ей, угодницы Божии, будите нам защитницы от всех враг, видимых и невидимых, да под кровом святых ваших молитв избавимся от всех бед, зол и напастей до последнего дне жизни нашей и тако прославим Великое и Достопоклоняемое Имя Вседетельных Троицы, Отца и Сына и Святого Духа, ныне и присно и во веки веков. Аминь.

Молитва перед отправлением в плавание

Владыко Господи Иисусе Христе, Боже наш, вместе со святыми Своими учениками и апостолами плававший, бурный ветер утишивший и повелением Своим волны на море успокоивший! Сам, Господи, и нам сопутствуй в плавании, всякий бурный ветер утиши и будь Помощником и Заступником, ибо Ты Бог Благий и любящий человеков, и Тебе славословие приносим, Отцу и Сыну и Святому Духу, ныне и присно и во веки веков. Аминь.

Молитва для водителя

Боже Всеблагий и Всемиловитый, всех охраняяй Своею милостию и человеколюбием, смиренно молю Тя, предстательством Богородицы и всех святых, сохрани от внезапной смерти и всякой напасти мене, грешного, и вверенных мне человек и помози невредимых доставлять каждого по его потребе. Боже Милостивый! Избави мене от злого духа лихачества, нечистой силы пианства, вызывающих несчастья и внезапную смерть без покаяния. Сподоби мене, Господи, с чистой совестью дожить до глубокой старости без бремени убитых и искалеченных по моему нерадению людей, и да прославится имя Твое Святое, ныне и присно и во веки веков. Аминь.

Молитва о благоприятном путешествии. Псалом 41

Имже образом желает елень на источники водные, сие желает душа моя к Тебе, Боже. Возжада душа моя к Богу Крепкому, Живому: когда прииду и явлюся лицу Божию? Быша слезы моя мне хлеб день и ночь, внемла глаголатися мне на всяк день: где есть Бог твой? Сия помянух и излиях на мя душу мою, яко пройду в место селения дивна, даже до дому Божия, во гласе радования и исповедания шума празднующаго. Вскую прискорбна еси, душе моя? И вскую смущаеши мя? Уповай на Бога, яко исповеся Ему, спасение лица моего, и Бог мой. Ко мне самому душа моя смятется: сего ради помянух Тя от земли Иордански и Ермониимски, от горы малая. Бездна бездну призывает во гласе хлябий Твоих, вся высоты Твоя и волны Твоя на мне преидоша. В день заповесть Господь милость Свою, и нощию песнь Его от мене, молитва Богу живота моего. Реку Богу: Заступник мой еси, почто мя забыл еси? И вскую сетую хожду, внемла оскорбляет враг? Внемла сокрушатися костем моим, поношаху ми врази мои, внемла глаголати им мне на всяк день: где есть Бог твой? Вскую прискорбна еси, душе моя? И вскую смущаеши мя? Уповай на Бога, яко исповеся Ему, спасение лица моего, и Бог мой.

Молитва идущему в путь

Боже, Боже наш, истинный и живой путь, путешествовавший со слугою Своим Иосифом, спутешествуй, Владыко, и рабу Твоему (имя) и всякого обуревания и навета избави, и мир и благомошие паки устрой: всякия правды промысл творяща по заповедям Твоим, и исполнена житейских и небесных благ бывша, паки возвратится благоволи. Яко Твое есть царство, и сила, и слава, Отца и Сына и Святаго Духа, ныне и присно и во веки веков. Аминь.

Акафист святителю Николаю Чудотворцу

Кондак 1

Возбранный Чудотворче и изрядный угодниче Христов, миру всему источай многоценное милости миро, и неисчерпаемое чудес море, восхваляю тя любовью, Святителю Николае: ты же яко имеяй дерзновение ко Господу, от всяких мя бед свободи, да зову ти: Радуйся, Николае, великий Чудотворче.

Икос 1

Ангела образом, земного суща естеством яви тебе вся твари Создатель; благоплодную бо доброту души твоя провидев, преблаженне Николае, научи всех вопити тебе сице: Радуйся, от утробы матерния очищенный; радуйся, даже до конца освященный. Радуйся, рождением своим родителей удививый; радуйся, силу душевную абие по рождестве явивый. Радуйся, саде земли обетования; радуйся, цвете Божественного сажения. Радуйся, лозо добродетельная винограда Христова; радуйся, древо чудоточное рая Иисусова. Радуйся, крине райского прозябения; радуйся, миро Христова благоухания. Радуйся, яко тобою отгонится рыдание; радуйся, яко тобою приносится радование. Радуйся, Николае, великий Чудотворче.

Кондак 2

Видяще твоих мир излияние, Богомудре, просвещаемся душами и телесы, дивного ты мироточца живоносна, Николае, разумеющее: чудесы бо яко водами, благодатию Божиею изливающимися, напаяеши верно вопиющих к Богу: Аллилуйя.

Икос 2

Разум неуразуменный вразумляя о Святей Троице, был еси в Никеи со святыми отцы поборник исповедания православных веры: равна бо Отцу Сына исповедал еси, соприносущна и сопрестольна, Ариа же безумного обличил еси. Сего ради вернии научишася воспевати тебе: Радуйся, великий благочестия столпе; радуйся, верных прибежища граде. Радуйся, твердое православия укрепление; радуйся, честное Пресвятыя Троицы носило и похваление. Радуйся, Отцу, равночестна Сына проповедавый; радуйся, Ариа возбесившагося от Собора святых отгнавый. Радуйся, отче, отцев славная красото; радуйся, всех богомудрых премудрая доброто. Радуйся, огненная словеса испущай; радуйся, добре стадо свое наставляй. Радуйся, яко тобою вера утверждается; радуйся, яко тобою ересь низлагается. Радуйся, Николае, великий Чудотворче.

Кондак 3

Силою, данною ти свыше, слезу всяку отъял еси от лица люте страждущих, богоносе отче Николае: алчущим бо явился еси кормитель, в пучине морстей сущим изрядный правитель, недугующим исцеление, и всем всяк помощник показался еси, вопиющим Богу: Аллилуйя.

Икос 3

Имеяше воистинну, отче Николае, с небесе песнь тебе воспеваема быти, а не от земли: како бо кто от человек возможет твоея святыни величия проповедати; но мы, любовию твоею побеждаеми, вопием ти сице: Радуйся, образе агнцев и пастырей; радуйся, святое очистилище нравов. Радуйся, добродетелей великих вместилище; радуйся, святыни чистое и честное жилище. Радуйся, светильниче всесветлый и вселюбимый; радуйся, свете златозарный и непорочный. Радуйся, достойный Ангелов собеседниче; радуйся, добрый человек наставниче. Радуйся, правило веры благочестивыя; радуйся, образе кротости духовныя. Радуйся, яко тобою от страстей телесных избавляемся; радуйся, яко тобою сладостей духовных исполняемся. Радуйся, Николае, великий Чудотворче.

Кондак 4

Буря недоумения смущает ми ум, како достойно есть пети чудеса твоя, блаженне Николае; никтоже бо может я исчезти, аще бы и многи языки имел, и глаголати восхотел; но мы дивно Богу в тебе прославляющемуся дерзаем воспевати: Аллилуйя.

Икос 4

Слышаша, богомудре Николае, ближнии и дальнии величие чудес твоих, яко по воздуху легкими благодатными крилами навывк еси сущих в бедах предваряти, скоро от тех избавляя всех, вопиющих к тебе таковая: Радуйся, избавление от печали; радуйся, подавание благодати. Радуйся, нечаемых зол прогонителю; радуйся, желаемых благих насадителю. Радуйся, скорый утешителю в беде сущих; радуйся, страшный наказателю обидающих. Радуйся, чудес пучино, Богом излишняя; радуйся, закона Христова скрижали Богом писанныя. Радуйся, крепкое падающих возведение; радуйся, право стоящих утверждение. Радуйся, яко тобою всякая лесь обнажается; радуйся, яко тобою всякая истина сбывается. Радуйся, Николае, великий Чудотворче.

Кондак 5

Боготечная звезда явился еси, наставляя по морю плавающих люте, имже смерть предстояще вскоре иногда, аще не бы ты предстал еси призывающим тя в помощь, Чудотворче святыи Николае; уже бо нестыдно бесом летающим, и погрузити корабли хотящим запретив, отгнал еси их, верныя же научил еси спасающему тобою Богу взывати: Аллилуйя.

Икос 5

Видеша отроковицы, на брак скверный нищеты ради уготованныя, великое твое к нищим милосердие, преблаженне отче Николае, егда старцу родителю их нощию узельцы три злата таяся подал еси, самаго со дщерьми избавляя от падения греховнаго. Того ради слышиши от всех сице: Радуйся, милости превеликия сокровище; радуйся, промышления о людех приятлище. Радуйся, пище и отрадо к тебе прибегающих; радуйся, хлебе неснедаемый алчущих. Радуйся, богатство бедне живущим на земли Богом данное; радуйся, воздвижение скорое убогих. Радуйся, быстрое нищих услышание; радуйся, скорбящих приятное попечение. Радуйся, триех дев непорочный невестителю; радуйся, чистоты усердный хранителю. Радуйся, ненадежных надеяние; радуйся, всего мира наслаждение. Радуйся, Николае, великий Чудотворче.

Кондак 6

Проповедует мир весь тебе, преблаженне Николае, скорого в бедах заступника: яко многажды во едином часе, по земли путешествующим и по морю плавающим, предваряя, пособствуеши, купно всех от злых сохраняя, вопиющих к Богу: Аллилуйя.

Икос 6

Возсиял еси свет животный, избавление нося воеводам, неправедную смерть прияти имущим, тебе, добрый пастырю Николае, призывающим, егда вскоре явлься во сне цареви, устранил еси его, сих же неврежденных отпустить повелел еси. Сего ради с ними купно и мы благодарственно вопием ти: Радуйся, усердно призывающим тя помогая; радуйся, от неправеднаго убиения избавляя. Радуйся, от лестных сохраняя клеветы; радуйся, неправедныя разрушая советы. Радуйся, растерзая лжу яко паучину; радуйся, возношая славно истину. Радуйся, неповинных от уз разрешение; радуйся, и мертвецов оживление. Радуйся, проявителю правды; радуйся, помрачителю неправды. Радуйся, яко тобою неповиннии избавлени от меча; радуйся, яко тобою насладишася света. Радуйся, Николае, великий Чудотворче.

Кондак 7

Хотя богохульное еретическое отгнати злосмрадие, миро воистинну благовонное, таинственное явился еси, Николае; люди мирейския упасл еси, и весь мир своим благодатным миром исполнил еси. И от нас убо богомерзкое греховное злосмрадие отжени, да благоприятно Богу вопием: Аллилуйя.

Икос 7

Новаго тя Ноя, наставника ковчега спасительнаго разумеем, отче святыи Николае, бурю всех лютых разгоняющаго направлением своим, тишину же Божественную приносящаго вопиющим таковая: Радуйся, обуреваемых тихое пристанище; радуйся, утопающих известное хранилище. Радуйся, плавающих посреде пучин добрый кормчий; радуйся, треволения морская уставляющий. Радуйся, превожделение сущих в вихрях; радуйся, согревание сущих во мразех. Радуйся, сияние, скорбный мрак разгоняющее; радуйся, светило, вся концы земли просвещающее. Радуйся, от бездны греховныя человеки избавляя; радуйся, в бездну адскую сатану ввергая. Радуйся, яко тобою дерзновенно бездну милосердия Божия призываем; радуйся, яко тобою от потопа гнева избавльшеся, мир с Богом обретаем. Радуйся, Николае, великий Чудотворче.

Кондак 8

Странное чудо является притекающим к тебе, блаженне Николае, священная твоя церковь: в ней бо и малое моление приносяще, великих недугов приемлем исцеление, аще токмо по Бозе упование на тя возложим, верно вопиюще: Аллилуйя.

Икос 8

Весь еси всем воистинну помощник, богоносе Николае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая, вопити к тебе сице: Радуйся, всяких исцелений источниче; радуйся, люте страж-

душим помощниче. Радуйся, заре, сияющая в нощи греховной блуждающим: радуйся, росе неботочная в знои трудов сущим. Радуйся, подаваяй требующим благостроение; радуйся, уготавлиаяй просящим изобилие. Радуйся, многажды прошение предваряяй; радуйся, старым сединам силу обновляяй. Радуйся, многих заблуждений от пути истинного обличителю; радуйся, тайн Божиих верный служителю. Радуйся, яко тобою зависть попираем; радуйся, яко тобою благонравное житие исправляем. Радуйся, Николае, великий Чудотворче.

Кондак 9

Всякия утоли болезни, великий наш заступниче Николае: растворяя благодатная врачевания, улаждающая души наша, сердца же веселящая всех усердно к помощи твоей приходящих, Богу же вопиющих: Аллилуйя.

Икос 9

Ветия суемудренныя нечестивых видим тобою посрамленныя, богомудре отче Николае: Ариа бо хульника, разделяюща Божество, и Савеллия, смешающа Святую Троицу, препрел, нас же во православии укрепил еси. Сего ради вопием ти сице: Радуйся, щите, защищаяй благочестие; радуйся, мечу, посещаяй злочестие. Радуйся, учителю Божественных велений; радуйся, губителю богопротивных учений. Радуйся, лестнице, Богом утвержденная, еюже восходим к небеси; радуйся, покрове, Богом зданный, имже покрываются мнози. Радуйся, немудрых умудривый твоими словесы; радуйся, ленивых подвигнувый твоими нравами.

Радуйся, светлосте заповедей Божиих неугасимая; радуйся, луче оправданий Господних пресветлая. Радуйся, яко учением твоим сокрушаются еретическая главы; радуйся, яко тобою вернии сподобляются славы. Радуйся, Николае, великий Чудотворче.

Кондак 10

Спасти хотя душу, плоть твою духови покорил еси воистинну, отче наш Николае: молчаньем бо прежде и бореньем с помысли, деянию богомыслие приложил еси, богомыслием же разум совершен стяжал еси, имже дерзновенно с Богом и Ангелы беседовал еси, всегда вопиючи: Аллилуйя.

Икос 10

Стена еси похваляющим, преблаженне, чудеса твоя, и всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных свободяи, вопиющих ти с любовию таковая: Радуйся, от убожества вечного изымаяй; радуйся, богатство нетленное подаваяй. Радуйся, брашно негиблющее алчущим правды; радуйся, питье неисчерпаемое жаждущим жизни. Радуйся, от мятежа и брани соблюдаяй; радуйся, от уз и пленения свободяяй. Радуйся, преславный в бедах заступниче; радуйся, превеликий в напастех защитниче. Радуйся, многих от гибели исхитивый; радуйся, безчисленных невреденно сохранивый. Радуйся, яко тобою лютыя смерти грешницы избегают; радуйся, яко тобою жизнь вечную кающияся получают. Радуйся, Николае, великий Чудотворче.

Кондак 11

Пение Пресвятей Троице паче иных принесл еси, преблаженне Николае, умом, словом и делом: многим бо испытанием правоверная повеления уяснил еси, верою, надеждою и любовью наставляя нас в Троице Единому Богу воспевати: Аллилуйя.

Икос 11

Светозарную лучу во мраке жития сущим неугасимую, видим тя, Богом избранне отче Николае: с невещественными бо Ангельскими светы беседуеши о несозданном Троическом Свете, верных же души просвещавши, вопиющих ти таковая: Радуйся, озарение Трисолнечного света; радуйся, деннице незаходимаго солнца. Радуйся, свеще, божественным пламенем возженная; радуйся, яко угасил еси бесовский пламень нечестия. Радуйся, светлое правоверия проповедание; радуйся, доброзрачное света Евангельскаго сияние. Радуйся, молние, ересижигающая; радуйся, громе, устрашающий соблазняющих. Радуйся, истинного научителю разума; радуйся, таинственного изъяснителю ума. Радуйся, яко тобою попрося поклонение твари; радуйся, яко тобою научихомся поклоняться Творцу в Троице. Радуйся, Николае, великий Чудотворче.

Кондак 12

Благодать данную ти от Бога сведущии, радующесе твою память празднуем по долгу, преславный отче Николае, и к чудному заступлению твоему вседушно притекаем; преславных же твоих деяний, яко песка морского и множества звездного исцести не могуше, недоумением объяти бывше, вопием к Богу: Аллилуйя.

Икос 12

Поюще твоя чудеса, восхваляем тя, всехвальне Николае: в тебе бо Бог в Троице прославляемый дивно прославися. Но аще и попремногу составленные от души псалмы и песни приносим ти, Чудотворче святей, ничтоже творим равно дарованию чудес твоих, имже удивляющеся, вопием к тебе таковая: Радуйся, Царя царствующих и Господа господствующих служителю; радуйся, служителей Его небесных сожителю. Радуйся, людем верным поможение; радуйся, рода христианскаго возвышение. Радуйся, победы тезоименитый; радуйся, венценосче нарочитый. Радуйся, всех добродетелей зеркало; радуйся, всех притекающих к тебе крепкое забрало. Радуйся, по Бозе и Богородице, все наше упование; радуйся, телес наших здравие и душ спасение. Радуйся, яко тобою от вечныя смерти свободяемся; радуйся, яко тобою безконечныя жизни сподобляемся. Радуйся, Николае, великий Чудотворче.

Кондак 13

О пресвятей и пречудней отче Николае, утешение всех скорбящих, нынешнее наше приими приношение, и от геенны избавитися нам Господа умоли, богоприятным Твоим ходатайством, да с тобою воспеваем: Аллилуйя.

(Этот кондак читается трижды, затем вновь читается икос 1 и кондак 1.)

Молитва

О всесвятый Николае, угодниче преизрядный Господень, теплый наш заступниче, и везде в скорбех скорый помощниче! Помози мне грешному и унылому в настоящем сем житии, умоли Господа Бога даровати ми оставление всех моих грехов, елико согреших от юности моея, во всем житии моем, делом, словом, помышлением и всеми моими чувствы; и во исходе души моей помози ми окаянному, умоли Господа Бога, всея твари Содетеля, избавити мя воздушных мытарств и вечного мучения: да всегда прославляю Отца и Сына и Святаго Духа, и твое милостивное предстательство, ныне и присно и во веки веков. Аминь.

Тропарь

Правило веры и образ кротости, воздержания учителя яви тя стаду твоему яже вещей истина; сего ради стяжал еси смирением высокая, нищетою богатая, отче священноначальниче Николае, моли Христа Бога спастися душам нашим.

Кондак

В Мирех, святе, священнодействитель показался еси: Христово бо, преподобне, Евангелие исполнив, положил душу твою о людех твоих, и спасл еси неповинныя от смерти; сего ради освятился еси, яко великий таинник Божия благодати. Аллилуйя.

Молитва перед иконой Николая Чудотворца

О всехвальный, великий чудотворче, святителю Христов, отче Николае! Молим тя, буди надежда всех христиан, верных защититель, алчущих кормитель, плачущих веселие, болящих врач, по морю плавающих управитель, убогих и сирых питатель и всем скорый помощник и покровитель, да мирное зде проживем житие и да сподобимся видети славу избранных Божиих на небеси и с ними непрестанно воспевати Единаго в Троице покланяемого Бога во веки веков.

Молитва перед иконой Богородицы «Одигитрия»

К кому возопию, Владычице? К кому прибегну в горести моей, аще не к Тебе, госпоже Владычице Богородице, Царице Небесная? Кто плач мой и вздыхание мое примет, аще не Ты, о Пренепорочная, надеждо христиан и прибежище грешным? Приклони, о Пречистая Владычице, ушеса Твоя к молению моему. Мати Бога моего, не призри мя, требующа Твоея помощи, услыши стенание мое и вопль сердца моего внуши, о госпоже Богородице Царице. И подаждь ми радость душевную, подкрепи мя нетерпеливаго, унылага и нерадиваго к Твоему хвалению. Вразуми и научи мя, како Тебе молиться подобает, и не отступи от мене, Мати Бога моего, за роптание и нетерпение мое: но буди мне покров и заступление в жизни моей и приведи мя к тихому пристанищу блаженного онаго покоя, и сопричти мя к лику избранного Твоего стада и тамо удостой мя воспевати и славить Тя вовеки. Аминь.

Молитвы в просьбе родить здоровых детей

Молитвенное воздыхание христианской супруги во время беременности (чтобы благополучно разрешиться)

О Преславная Матерь Божия, помилуй меня, рабу Твою (имя), и прииди ко мне на помощь во время моих болезней и опасностей, с которыми рожают чад все блудные дочери Евы. Вспомни, о Благословенная в женах, с какою радостью и любовью Ты шла поспешно в горную страну посетить сродницу Твою Елисавету во время ее беременности и какое чудесное действие произвело благодатное посещение Твое и в матери, и в младенце. И по неисчерпаемому благосердию Твоему даруй и мне, униженнейшей рабе Твоей, разрешиться от бремени благополучно; даруй мне сию благодать, чтобы дитя, покоящееся теперь под моим сердцем, пришедши в чувство, с радостным взыгранием, подобно святому младенцу Иоанну, поклонялось Божественному Господу Спасителю, Который из любви к нам, грешным, не возгнушался и Сам стать Младенцем. Неизглаголанная радость, которою преисполнилось девственное Твое сердце при воззрении на новорожденного Твоего Сына и Господа, да уладит скорбь, предстоящую мне среди болезней рождения. Жизнь мира, мой Спаситель, рожденный Тобою, да спасет меня от смерти, пресекающей жизнь многих матерей в час разрешения, и да причтет плод чрева моего к числу избранных Божиих. Услышь, Пресвятая Царица Небесная, смиренную мольбу мою и призри на меня, бедную грешницу, оком Твоея благодати; не постыди моего упования на Твое великое милосердие и осени меня, Помощница христиан, Исцелительница болезней, да сподоблюсь и я испытать на себе, что Ты – Матерь милосердия, и да прославлю всегда Твою благодать, не отвергшую никогда молитвы бедных и избавляющую всех призывающих Тебя во время скорби и болезни. Аминь.

Молитва перед иконой Богородицы «Скоропослушница»

Преблагословенная Владычице, Приснодево Богородице, Бога Слова паче всякого слова на спасение наше рождшая, и благодать Его преизобильно паче всех приявшая, море являвшаяся Божественных дарований и чудес приснотекущая река, изливающая благость всем, с верою к Тебе прибегающим! Чудотворному Твоему образу припадающе, молимся Тебе Всещедрей Матери Человеколюбиваго Владыки: удиви на нас пребогатая милости Твоя и прошения наша, приносимая Тебе, Скоропослушнице, ускори исполнити все, еже на пользу во утешение и спасение, коемуждо устрояючи. Посети, Преблагая, рабы Твоя благодатию Твоей, подаждь недугующим цельбу и совершенное здравие, обуреваемым тишину, плененным свободу и различными образы страждущих утеши, избави, всемилостивая Госпоже, всяк град и страну от глада, язвы, труса, потопа, огня, меча и иныя казни временныя и вечныя, Матерним Твоим дерзновением отвращающи гнев Божий: и душевнаго разслабления, обуревания страстей и грехопадений свободи рабы Твоя, яко да непреткновенно во всяком благочестии поживше в сем веке, и в будущем вечных благ сподобимся благодатию и человеколюбием Сына Твоего и Бога, Емуже подобает всякая слава, честь и поклонение со Безначальным Его Отцем и Пресвятым Духом ныне и присно и во веки веков. Аминь.

Молитва перед иконой Богородицы «Целительница»

Приими, о Всеблагословенная и Всемощная Госпоже Владычице Богородице Дево, сия молитвы, со слезами Тебе ныне приносимыя от нас, недостойных раб Твоих, ко Твоему цель-

боносному Образу пение возсылающих со умилением, яко Тебе самой zde сущей и внимлющей молению нашему.

По коемуждо бо прошению исполнение твориши, скорби облегчавши, немощным здравие даруеши, разслабленные и недужныя исцелявши, от бесных бесы прогонявши, обидимыя от обид избавлявши, прокаженных очищаеши и малыя дети милуеши: еще же, Госпоже Владычице Богородице, и от уз и темниц свободяеши и всякия многоразличныя страсти врачуеши: вся бо суть возможна ходатайством Твоим к Сыну Твоему, Христу Богу нашему.

О Всепетая Мати, Пресвятая Богородице!

Не престай молиться о нас, недостойных рабов Твоих, славящих Тя и почитающих Тя, и поклоняющихся со умилением Пречистому Образу Твоему, и надежду имущих невозвратну и веру несумненну к Тебе, Приснодеве Преславней и Непорочней, ныне и присно и во веки веков. Аминь.

Молитвы праведным Иоакиму и Анне при детородном бесплодии

Молитва 1-я

О, святити праведницы, Богоотцы Иоакиме и Анно! Молите Милосердаго Господа, яко да отвратит от нас гнев Свой, по делом нашим праведно на ны движимый, и да безчисленная прегрешения наша презрев, обратит нас, раб Божиих (имена), на путь покаяния, и на стези заповедей Своих да утвердит нас. Также молитвами вашими в мире жизнь нашу сохраните, и во всех благих благое поспешение испросите, вся к животу и благочестию потребная нам от Бога дарующе, от всяких напастей и бед и внезапныя смерти предстательством вашим нас избавляюще и от всех враг видимых и невидимых защищающе, и тако в мире временное сие житие прешедше, в вечный достигнем покой, идеже вашим святым умолением да сподобимся Небеснаго Царствия Христа Бога нашего, Емуже, со Отцем и Пресвятым Духом, подобает всякая слава, честь и поклонение во веки веков.

Молитва 2-я

О, приснославнии Христовы праведницы, святити богоотцы Иоакиме и Анно, предстоящи Небесному Престолу Великого Царя и велие дерзновение к Нему имущии, яко от Преблагословенныя Дщере вашея, Пречистыя Богородицы и Приснодевы Марии, воплотитися изволившему! К вам, яко многомогущим предстателем и усердным о нас молитвенником, прибегаем мы, грешнии и недостойнии. Молите благость Его, яко да отвратит от нас гнев Свой, по делом нашим праведно на ны движимый, и да безчисленная прегрешения наша презрев, обратит нас на путь покаяния, и на стези заповедей Своих да утвердит нас. Также молитвами вашими в мире жизнь нашу сохраните, и во всех благих благое поспешение испросите, вся к животу и благочестию потребная нам от Бога дарующи, от всяких напастей и бед и внезапныя смерти предстательством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и вечный достигнем покой. Идеже вашим святым умолением да сподобимся Небеснаго Царствия Христа Бога нашего, Емуже, со Отцем и Пресвятым Духом, подобает всякая слава, честь и поклонение во веки веков. Аминь.

Святой Богопраматери Анне, разрешающей узы безчадия и неплодия

Благоугодный корень, израстивший былие благоплодное и вечноцветущее препетую Богородицу, из Нея же произыде Начальник жизни и Совершитель веры Иисус Христос, многоточный источник, из неяже произыде, яко поток сладости и река мира Благословенная в женах, источающая бездну благ и неизреченное море благодати и бесконечного блаженства. Предопределенная чревоносити несравненно Светлейшую лучей солнечных, Еяже прозреша и проповедаша пророческие трубы. Познанная от Плода ея, Царицы Ангелов и вышшей сущей небес, яко сосуд избранный Святаго Духа и вместилище благодати яснейшее. Образ праведности и непорочного жительствова и мудрости луг благоуханный и сладкоблаговонный. Исполняющая законная повеления в правости сердца и горящем благоговении и всяким тщанием со блаженным своим супругом и богоносцем Иоакимом. Божественным волением зачавшая в старости маститей и рождающая прежде век предопределенную родитися Матерь Божию. Прамати всемилостивого и всещедрого Бога, готовое заступление и предстательство с верою прибегающих к тебе, утешение страждущих и покой скорбящим, благодатию Внука твоего показующая безчадных и неплодных жен благочадны, приими и моление нас грешных и преложи печаль безчадия молящихся тебе в радость. Дажь плод чрева призывающим тя, разрешая мрак их неплодия и, яко разрешение неплодия, безчадных жен благочадны сотвори ублажающих тя и славословящих Богочеловека Внука твоего и Создателя и Господа. Ей, блаженная и благодатная Анна, всем, яко луна пресветлая, посылающая мирный и тихий свет богоданных в тебе дарований, показавшаяся Сарры честнейшая, Анны матери Самуила светлейшая, Елисаветы славнейшая и всех праведных жен, ихже закон прославляет, честнейшая и яко от сего многой чести и благодати удостоенная, исполни радости и веселия сердца к тебе прибегающих и даждь благодать твою рабе твоей, приемлющей твою скорую помощь, отверзая ей чрево, да твоим предстательством и заступлением улучит зачатие чада и прославит всесвятое Имя Богочеловека Внука Твоего и Спаса нашего Иисуса Христа. Ему же подобает всякая слава, честь и поклонение со безначальным Его Отцем и пресвятым и благим и животворящим Его Духом, ныне и присно и во веки веков. Аминь.

Молитва Александру Свирскому в просьбе родить мальчика

О священная главо, ангеле земный и человеке небесный, преподобне и богоносне отче наш Александре, изрядный угодниче Пресвятыя и Единосущныя Троицы, многие милости живущим во святей обители твоей и всем, с верою и любовию притекающим к тебе, являй!

Испроси нам вся к житию сему временному благопотребная, паче же к вечному спасению нашему нужная.

Пособствуй предстательством твоим, угодниче Божий, правителем страны наша Россия. И да в мире глубоце пребудет святая Православная Церковь Христова.

Буди нам, чудотворче святыи, во всякой скорби и обстояниях скорый помощник. Наипаче же в час кончины наша явися нам заступник благосердый, да не предани будем на мытарства воздушных властей злогого миродержца, но да сподобимся непреткновенного восхода во Царствие Небесное.

Ей, отче, молитвенниче наш присный! Не посрами упования нашего, не презри смиренных молений наших, но присно, о нас пред Престолом Живоначальныя Троицы предстательствуй, да сподобимся вкупе с тобою и со всеми святыми, аще и недостойни есмы,

в селениях райских славить величие, благодать и милость Единого в Троице Бога, Отца и Сына и Святого Духа, во веки веков. Аминь.

От юности, Богомудре, желанием духовным в пустыню вселився, единого Христа возжелал еси усердно стопам в след ходити. Темже и ангельстии чини, зряще тя, удивишася: како, с плотию к невидимым кознем подвизався, премудре, победил еси полки страстей воздержанием и явился еси равноангелен на земли. Александре преподобне, моли Христа Бога, да спасет души наша.

Молитвы беременных женщин о благополучном разрешении

Молитва перед иконой Богородицы «Помогательница женам чады рождати»

Пресвятая Владычице моя Богородице, святыми Твоими и всеильными мольбами отжени от мене, рабы Божьей (имя), уныние, забвение, неразумение, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нища есмь и окаянна, и избави мя от многих лютых воспоминаний и предприятий, и от всех действий злых свободи мя: яко благословенна еси от всех родов, и славится пречестное имя Твое во веки веков. Аминь.

Молитва преподобной Мелании Рымлянине

Кондак, глас 4-й

Девства чистоты возлюбльши и обручника к благим увещавши, премножество богатства расточи, в пребывание иночествующим, Богоблаженная к обители воздвиже. Темже в Небесная обители вселися, поминай нас, Мелание всечестная.

Молитвы в трудных родах

Молитвы перед иконой Богородицы «Феодоровская»

Молитва 1-я

К кому воззову, Владычице, к кому прибегну в печали моей; к кому принесу слезы и воздыхания моя, еще не к Тебе, Царица Небеси и земли; кто исторгнет мя из тины грехов и беззаконий, еще не Ты, о Мати Живота, Заступнице и Прибежище рода человеческого?

Услыши стенание мое, утеши мя и помилуй в горести моей, защити в бедах и напастях, избави от озлоблений и скорбей и всяких недугов и болезней, от враг видимых и невидимых, умири вражду стужающих мне, да избавлен буду от клеветы и злобы человеческия; также же от своея ми плоти гнусных обычаев свободи мя.

Укрый мя под сению милости Твоея, да обрящу покой и радость и от грехов очищение. Твоему Матернему заступлению себе вручаю: буди мне Мати и Надежду, Покров и Помощь и Заступление, Радость и Утешение и скорая во всем Помощница.

О чудная Владычице! Всяк притекает к Тебе, без Твоея всемогущей помощи не отходит: сего ради и аз недостойный к Тебе прибегаю, да избавлен буду от внезапныя и лютой смерти, скрежета зубного и вечнаго мучения. Небесное же Царствие получитьи сподоблюся и Тебе во умиление сердца реку: радуйся, Мати Божия, Предстательнице и Заступнице наша усердная, во веки веков. Аминь.

Молитва 2-я

О Пресвятая Владычице Богородице и Приснодево Марие, единая Надеждо нам грешным! К Тебе прибегаем и Тебе молим, яко велие имаши дерзновение пред рождшимся от Тебе по плоти Господом Богом и Спасителем нашим Иисусом Христом. Не презри слез наших, не возгнушайся воздыханий наших, не отрини скорби нашея, не посрами упования нашего на Тя, но матерними мольбами Твоими умоли Господа Бога, да сподобит нас, грешных и недостойных, свободитися от грехов и страстей душевных и телесных, умрети миру и жити Ему единому во вся дни живота нашего. О Пресвятая Владычице Богородице, путешествующим спутешествуй и ограждай и охраняй оныя, избави пленных от пленения, свободи страждущих от бед, утеши сущих в печали, скорбех и напастех, облегчи нищету и всяко злострадание телесное, и даруй всем вся потребная к животу, благочестию и жизни временней. Православный народ наш укрепи и утверди, и подаждь ему здравие и спасение и на враги победу и одоление. Спаси, Владычице: вся страны и грады и сию страну и сей град, имже сия чудотворная и святая икона Твоя дадеся в утешение и ограждение, избави я от глада, губительства, труса, потопа, огня, меча, нашествия иноплемennых, междоусобных брани, и отврати всякий гнев на ны праведно подвижимый. Даруй нам время на покаяние и обращение, избави нас от внезапной смерти, и во время исхода нашего предстани нам явльшиися, Дево Богородице, и избави нас от воздушных мытарств князей века сего, сподоби на страшнем судищи Христовем стати одесную и соделай нас наследники вечных благ, да славим во веки великолепое имя Сына Твоего и Бога нашего со Безначальным Его Отцем и Святым и Благим и Животворящим Его Духом, ныне и присно и во веки веков. Аминь.

Молитва 3-я

О Премудрая Госпоже, Царице Богородице, прими смиренное моление наше, и не отрини нас, заступление и прибежище наше, и не возгнушайся нас недостойных, но, яко милосердая, не престани молящи, Егоже родила еси, да дарует нам прощение многих согрешений наших, да спасет нас имиже весть судьбами. Помилуй нас, Владычице, помилуй нас, несть бо нам спасения от дел. Темже верно вопием Ти: помилуй рабы Твоя, и неплодное сердце наше покажи плодоносно благих дел. Призри на нас недостойных. Ты бо упование и покров наш, жизнь и свет сердцу нашему. Яко не вечерний свет от чрева Твоего воздвигшая, озари душу нашу, чистая, и отжени всяку мглу сердца нашего. Даруй нам умиление, покаяние и сокрушение сердечное. Сподоби нас по вся дни живота нашего творити волю Сына Твоего и Бога нашего и во всем благоугождати Ему единому.

О Богомати, не престани молящи Рождшагося от Тебе за вся притекающия с верою к сему чудотворному образу Твоему и подавай им скорую помощь и утешение в скорбех и напастех и злостраданиях, избави их от клеветы и злобы человеческия, от враг видимых и невидимых и всякия нужды и печали. Спаси отечество наше, царствующий град наш, град сей и вся грады и страны от всяких бед и нужд, и сотвори милостива нам быти Бога нашего, отврати всякий гнев Его, на ны движимый, и избави ны от належащего и праведнаго Его прещения. О Боголюбивая Владычице, Ангелов Украшение, мучеников Славо и всех святых Радосте, с ними моли Господа, да сподобит нас в покаянии скончати живота нашего течение. В смерти же час, Пресвятая Дево, избави нас от власти бесовския и осуждения, и ответа, и страшнаго испытания, и мытарств горьких, и огня вечнаго, да сподобьшеся славнаго царствия Божия, величаем Тя и славим воплощагося от Тебе Христа Бога нашего, Емуже слава со Отцем и Святым Духом, ныне и присно и во веки веков. Аминь.

Тропарь, глас 4-й

Присшествием честныя твоя иконы, Богоотроковице, обрадованный днесь Богохранимый град Кострома, якоже древний Израиль к кивоту завета, притекает к изображению лица Твоего и воплотившагося от Тебе Бога нашего, да Твоим матерним к Нему предстательством присно ходатайствуеши всем, под сень крова Твоего прибегающим, мир и велию милость.

Молитва перед иконой Богородицы «Скоропослушница»

О, Пресвятая Дево, Мати Господа Вышняго, Скоропослушная Заступнице всех, к Тебе с верою прибегающих! Призри с высоты небеснаго величия Своего на мене непотребную, припадающую к иконе Твоей, услыши скоро смиренную молитву мене грешнай и принеси ю к Сыну Своему: умоли Его, да озарит мрачную душу мою светом Божественныя благодати Своея и очистит ум мой от помыслов суетных, да успокоит страждущее мое сердце и исцелит раны его, да вразумит мя на добрая дела и укрепит работати Ему со страхом, да простит вся содеянная мною злая, да избавит вечныя муки и не лишит небеснаго Своего Царствия.

О, Преблагословенная Богородице: Ты благоизволила еси нарецися во образе Своем Скоропослушница, повелевающи всем притекати к Тебе с верою: не призри убо мене скорбнай и не попусти погибнути мне в бездне грехов моих. На Тя по Бозе все мое упование и надежды спасения, и Твоему покрову и предстательству поручаю себе во веки. Аминь.

Молитва праведным Захарии и Елисавете, родителям святого Иоанна Предтечи

Тропарь 1-й святому пророку Захарии

Священства одеждою обложен премудре, по закону Божию всесожжения приятна священнолепно приносил еси, Захарие, и был еси светильник и зритель тайных, знамения в тебе благодати нося явственно всемудре. И мечем убиен был в храме Божии, Христов пророче, с Предтечею моли спастися душам нашим.

Кондак

Пророк днесь и священник Вышняго, Захариа предложи, Предтечев родитель, трапезу своея памяти, верная питая, питие бо правды всем растворив, сего ради скончается, яко Божественный таинник Божия благодати.

Тропарь 2-й

Праведных твоих Захарии и Елисаветы, Господи, память празднующе теми молим Тя: спаси души наша.

Молитва великомученице Анастасии Узорешительнице

Молитва

О многострадальная и премудрая великомученице Христова Анастасие! Ты душею на небеси у престола Господня предстоиши, на земли же, данною тебе благодатию, различная совершаеши исцеления: призри убо милостивно на предстоящия люди и молящияся пред мощами твоими, просящия твоея помощи: простри ко Господу святая молитвы твоя за нас, и испроси нам оставление согрешений наших, недужным исцеление, скорбящим и бедствующим скорую помощь: умоли Господа, да подаст всем нам христианскую кончину и добрый ответ на страшном судищи своем, да сподобимся и мы, купно с тобою, славить Отца и Сына и Святого Духа во веки. Аминь.

Тропарь, глас 4-й

Победоносного Воскресения истинноименитая наречена еси, мученице Христова, победы на враги поставила еси мук терпением, Христа ради, Жениха твоего, Егоже возлюбила еси. Того моли спасти души наша.

Молитвы великомученице Екатерине

Молитва 1-я

О святая великомученице Екатерино, избранный чистоты сосуде, столпе православия, надежная предстательнице наша, явившая нам сама вину умоляти тя, подвижнице законная, святая на святей горе свято почивающая!

Молим тя: приникши свыше, вонми гласу моления нашего, призри на бедствие рабов твоих, просвети омрачение ума нашего, сотвори нас горняя мудрствовать, а не земная. Поспеси нам молитвами твоими побеждати плотская похотения, пристрастия к миру и козни злых духов, на нас злобно воюющих: да твоим предстательством во дни жития сего свободни будем от враждебных их нападений и по исходе от воздушных их истязаний. О премудрая дево! Даруй нам вся, яже к пользе прошения: можеш бо многая испросити у возлюбленного Жениха, Христа Бога нашего. Мы вемы, яко много может молитва праведнаго, поспешествуемая благоутробием милосердаго Бога, Емуже слава, честь и благодарение всегда, ныне и присно и во веки веков. Аминь.

Молитва 2-я

О святая Екатерино, дево и мученице, истинная Христова невесто! Молим тя, чрез особливую благодать, еюже предвари тя Жених твой, сладчайший Иисус, да якоже посрамивши прелести мучителя мудростию своею, пятьдесят витий победила еси, и напоивши их небесным учением, к свету истинныя веры наставила еси: тако испроси и нам оную Божию мудрость, да и мы, расторгнувше вся козни адскаго мучителя и презревше мира и плоти соблазны, достойны явимся Божественныя славы, и к расширению святыя нашея православныя веры сосуды достойны соделаемся, и с тобою в небесней скинии Господа и Владыку нашего Иисуса Христа, со Отцем и Святым Духом, восхвалим и прославим во вся веки веков. Аминь.

Тропарь, глас 4-й

Добродетельми, яко лучами солнечными, просветила еси неверныя мудрецы: и якоже пресветлая луна ходящим в нощи, неверия тьму отгнала еси, и царицу уверила еси, вкупе же и мучителя обличила еси, Богозванная невесто, блаженная Екатерино: желанием востекла еси в небесный чертог, к прекрасному Жениху Христу, и от Него царским венцем венчалася еси: Емуже со Ангелы предстоящи, за ны молися, творящая пречестную память твою.

Молитвы о благословении и покровительстве детям

Молитвы ко Господу

Молитва 1-я

Господи Иисусе Христе, буди милость Твоя на детях моих (имена), сохрани их под кровом Твоим, покрый от всякого лукаваго похотения, отжени от них всякого врага и супостата, отвержи им уши и очи сердечныя, даруй умиление и смирение сердцам их. Господи, все мы создание Твое, пожалей детей моих (имена), и обрати их на покаяние. Спаси, Господи, и помилуй детей моих (имена), и просвети их ум светом разума Евангелия Твоего, и настави их на стезю заповедей Твоих, и научи их, Спасе, творити волю Твою, яко Ты еси Бог наш.

Молитва 2-я

Сладчайший Иисусе, Боже сердца моего! Ты даровал мне детей по плоти, они Твои по душе; и мою и их души искупил Ты Своею неоцененною кровию; ради крови Твоея Божественныя умоляю Тебя, Сладчайший мой Спаситель: благодатию Твоею прикоснись сердца детей моих (имена) и крестников моих (имена), огради их страхом Твоим Божественным, удержи их от дурных наклонностей и привычек, направь их на светлый путь жизни, истины и добра, украси жизнь их всем добрым и спасительным, устрой судьбу их, якоже Ты Сам хочешь, и спаси души их имиже веси судьбами. Господи, Боже отцев наших! Детям моим (имена) и крестникам моим (имена) дай сердце правое, чтобы соблюдать заповеди Твои, откровения Твои и уставы Твои и исполнять все это. Господи Иисусе Христе, Сыне Божий, молитв ради Пречистыя Твоея Матери услыши мя, недостойную рабу (имя). Господи, в милостивой власти Твоей чада мои, рабы твои (имена). Помилуй и спаси их, имени Твоего ради. Господи, прости им все согрешения вольные и невольные, совершенные ими пред Тобою. Господи, настави их на истинный путь Твоих заповедей, и разум просвети светом Твоим во спасение души и исцеление тела. Господи, благослови их в доме, в школе, в пути и на каждом месте Твоего владычества. Господи, сохрани их под кровом Твоим святым от летящей пули, яда, огня, от смертоносной язвы и напрасной смерти. Господи, огради их от всяких видимых и невидимых врагов, от всякой болезни, очисти от всякой скверны и облегчи их душевные страдания. Господи, даруй им благодать Духа твоего Святого на многие лета жизни, здравие и целомудрие. Господи, умножь и укрепи их умственные способности и телесные силы, Тобою дарованные им, Твое благословение на благочестивую и, если Тебе угодно, семейную жизнь и непостыдное деторождение. Господи, даруй мне, недостойной и грешной рабе Твоей (имя), родительское благословение на чад моих и раб Твоих в настоящее время утра, дня, ночи имени Твоего ради, ибо Царствие Твое вечно, всесильно и всемогущественно. Аминь.

Молитва 3-я

Милосердный Господи Иисусе Христе! Тебе вручаю детей наших, которых Ты даровал нам (имена). Прошу Тебя, Господи, спаси их путями, которые Ты Сам знаешь, сохрани их от пороков, зла, гордости, и да не коснется душ их ничто противное Тебе. Но веру, надежду на спасение, любовь даруй им, и да будут у Тебя избранными сосудами Духа Святого, и да будет свят и непорочен пред Богом их жизненный путь. Благослови их, Господи, да стре-

мятся они каждую минуту жизни своей исполнять волю Твою Святую, дабы Ты, Господи, мог всегда пребывать с ними Духом Твоим Святым. Господи! Научи их молиться Тебе, дабы молитва была им опорой, отрадой в скорбях и утешением в жизни их. Ангелы Твои да охраняют их всегда, да будут дети наши чутки к горю ближних своих, и да исполнят они Твою заповедь любви, и если согрешат они, сподоби их, Господи, принести покаяние Тебе, и ты по своей неизреченной милости прости их. Когда же окончится жизнь их земная, то возьми их в Свои Небесные Обители, куда пусть введут они с собою и других. Молитвами Пречистой Твоей Матери, Богородицы и Приснодевы Марии, и святых Твоих, и всех святых, Господи, помилуй и спаси нас, яко препрославлен еси со Безначальным Твоим Отцем и Пресвятым и Животворящим Твоим Духом, ныне и присно и во веки веков. Аминь.

Молитва Божией Матери

О, Пресвятая Владычице Дево Богородице, спаси и сохрани под кровом Твоим моих чад (имена), всех отроков, отроковиц и младенцев, крещеных и безымянных и во чреве матери носимых. Укрой их ризою Твоего материнства, соблюди их в страхе Божием и в послушании родителям, умоли Господа моего и Сына Твоего, да дарует им полезное ко спасению их. Вручаю их Материнскому смотрению Твоему, яко Ты еси Божественный Покров рабам Твоим.

Матерь Божия, введи меня во образ Твоего небеснаго материнства. Уврачуй душевные и телесные раны чад моих (имена), моими грехами нанесенные. Вручаю дитя мое всецело Господу моему Иисусу Христу и Твоему, Пречистая, небесному покровительству. Аминь.

Молитвы Ангелу-Хранителю младенца

Молитва 1-я

Святый Ангеле-хранителю моих чад (имена), покрый их твоим покровом от стрел демона, от глаз обольстителя и сохрани их сердце в ангельской чистоте. Аминь.

Молитва 2-я

Ангеле Божий, хранителю святой, на соблюдение от Бога с небес данный! Прилежно молю тя: ты днесь просвети, и от всякаго зла сохрани, ко благому деянию настави, и на путь спасения направи. Аминь.

Молитва на благословение ребенка

Господи Иисусе Христе, Сыне Божий, благослови, освяти, сохрани силою животворящего Креста Твоего. (И осенить крестным знамением.)

Молитва перед иконой Богородицы «Нечаянная радость»

Тропарь

Днесь, вернии людие, духовно торжествуем, прославляюще Заступницу усердную рода христианскаго, и притекающе к Пречистому Ея образу, взываем сице: О премилостивая Владычице Богородице, подаждь нам нечаянную радость, обремененным грехми и скорбьми

многими, и избави нас от всякого зла, молящи Сына Твоего, Христа Бога нашего, спасти души наша.

Молитва

О Пресвятая Дево, Всеблагаго Сына Мати Всеблагая, града и святого храма сего Покровительнице, всех сущих во гресех, скорбех, бедах и болезнях верная Предстательнице и Заступнице! Приими молебное пение сие от нас, недостойных раб Твоих, Тебе возносимое, и якоже древле грешника, на всяк день многожды пред честною иконою Твоею молившагося, не презрела еси, но даровала еси ему нечаянную радость покаяния и преклонила еси Сына Твоего многим и усердным к Нему ходатайством к прощению сего грешного и заблудшагося, тако и ныне не презри моления нас, недостойных рабов Твоих, и умоли Сына Твоего и Бога нашего, да и всем нам, с верою и умилением поклоняющимся пред цельбоносным образом Твоим, дарует нечаянную по коегождо потребе радость: грешником, погрязшим во глубине зол и страстей, вседейственное вразумление, покаяние и спасение; сущим в скорбех и печалех утешение; обретающимся в бедах и озлоблениях совершенное сих избытие; малодушным и ненадежным надежду и терпение; в радости и изобилии живущим непрестанное Благодетелю Богу благодарение; бедствующим милосердие; сущим в болезни и долгонедужии и оставленным врачами нечаемое исцеление и укрепление; иждившим от недуга ум ума возвращение и обновление; отходящим в вечную и нескончаемую жизнь память смертную, умиление и сокрушение о гресех, дух бодр и твердую на милосердие Судии надежду. Умилосердися о всех чтущих всечестное Имя Твое и всем яви всемогущий покров Твой и заступление: во благочестии, чистоте и честном жительстве пребывающия до скончания их во благодати соблюди; злыя благи сотвори; заблудшия на путь правый настави; всякому делу благому и Сыну Твоему угодному споспешествуй; всякое дело злое и богопротивное разруши; в недоумении и трудных и опасных обстояниях обретающимся незримую помощь и вразумление с Небесе ниспосли, от искушений, соблазнов и погибели спаси, от всех злых человек и от врагов видимых и невидимых защити и сохрани; плавающим сплавай, путешествующим спутешествуй; сущим в нужде и гладе буди Питательница; неимущим крова и пристанища буди покров и прибежище; нагим подаждь одеяние, обидимым и несправедно гонимым заступление; клевету, поношение и хуление терпящих незримо оправдай; клеветники и хулители пред всеми обличи; ожесточенно враждующим нечаемое подаждь примирение и всем нам друг ко другу любовь, мир, и благочестие, и здравие с долгоденствием. Супружества в любви и единомыслии сохрани; супруги, во вражде и разделении сущия, умири, соедини я друг ко другу и положи им союз любви неразрушимый; матерем деторождающим скорое подаждь разрешение, младенцы воспитаи, юныя уцеломудри, отверзи им ум к восприятию всякого полезнаго учения, страху Божию, воздержанию и трудолюбию настави; от домашния брани и вражды единокровныя миром и любовью огради; безматерних сирот буди Мать, от всякого порока и скверны отврати я и всему благому и богоугодному научи, прельщенные же и во грех и нечистоту впадшия, скверну греха отъявши, из бездны погибели изведи; вдов буди Утешительница и Помощница, старости буди жезл; от внезапныя смерти без покаяния всех нас избави и всем нам христианскую кончину живота нашего, безболезненну, непостыдну, мирну и добрый ответ на Страшнем Судищи Христове даруй: преставльшиися в вере и покаянии от жития сего со Ангелы и всеми святыми жити сотвори; скончавшимся внезапною смертию милостива быти Сына Твоего умоли и о всех усопших, иже не имут сродников, о упокоении их Сына Твоего умоляющих, Сама буди непрестанная и теплая Молитвенница и Ходатаица: да вси на Небеси и на земли ведят Тя, яко твердую и непостыдную Предстательницу рода христианскаго, и, ведуще, славят Тя и Тобою Сына Твоего, со Безначальным Его Отцем и Единосущным Его Духом. Аминь.

Молитвенное возношение родителей за детей своих

Молитва 1-я

Боже и Отче, Создатель и Сохранитель всех тварей!

Облагодатайствуй моих бедных детей (имя) Духом Твоим Святым, да возжет Он в них истинный страх Божий, который есть начало премудрости и прямое благоразумие, по которому кто поступает, того хвала пребывает вечно. Облаженствуй их истинным познанием Тебя, соблюди их от всякаго идолослужения и лжеучения, сделай, чтоб возросли в истинной спасающей вере и во всяком благочестии, и да пребудут в них постоянно до конца.

Даруй им верующее, послушное, смиренное сердце и разум, да возрастают в летах и благодати пред Богом и пред людьми. Насади в сердце их любовь к Твоему Божественному слову, чтобы они были благоговейны в молитве и в Богослужении, почтительны служителям Слова и со всяким искренни в поступках, стыдливы в телодвижениях, целомудренны в нравах, истинны в словах, верны в делах, прилежны в занятиях, счастливы в исполнении обязанностей своих, разумны и праведательны ко всем людям. Соблюди их от всех соблазнов злого мира, и да не развратит их худое общество. Не попусти им впасть в нечистоту и нецеломудрие, да не сократят сами себе жизни своей и да не оскорбят других. Будь защитой их во всякой опасности, да не подвергнутся внезапной гибели. Соделай, чтоб не увидели мы в них себе бесчестия и посрамления, но честь и радость, чтоб умножилось ими Царство Твое и увеличилось число верующих, и да будут они на небеси окрест трапезы Твоей, как небесные масличные ветви, и со всеми избранными да воздадут Тебе честь, хвалу и прославление чрез Иисуса Христа, Господа нашего. Аминь.

Молитва 2-я

Во имя Отца и Сына и Святаго Духа. Аминь.

Боже Благий, от которого исходит всякий дар и всякое благо, к Тебе прилежно молюсь о детях моих (имена), которых Твоя благодать их даровала. Ты дал им жизнь, оживотворил душею бессмертною, возродил их Своим Крещением, дабы они жили сообразно с волею Твоею, и наследовали Царствие Небесное, сохрани их благодатию до конца жизни, освяти их истинною Твоею, да святится в них имя Твое Святое, содействуй Твоею благодатию воспитать их во славу имени Твоего и на пользу ближним, дай и мне, Господи, для этого терпение и силу.

Просвяти их Твоею премудростию, чтобы любили Тебя всем помышлением своим. Насади в сердца их страх и отвращение от всякого беззакония, украси их души целомудрием, трудом, любовью, долготерпением и всякой честностью, огради их Твоею правдою, окропи их росой Твоей благодати, преуспевать в добродетели и святости, да пребывают в благоволении Твоем и благочестивых людей.

Ангел Святый, да сохрани их юность от суетных мыслей, от соблазна мира сего, от всяких лукавых наветов. Господи, если и согрешат когда пред Тобою мои дети (имена), не отврати лице Твое от них, но будь милостив, сокруши их сердце, не лиши их земных Твоих благ, но подай им все и дай обретение блаженной вечности.

Сохрани их от всяких бед и напастей, от наглыя смерти, от скорби и болезни, осени их до конца жизни Твоею милостию.

Боже Благий, еще молюсь Тебе, Господи, дай мне радость и веселие в детях моих (имена), сподоби меня с ними предстать на Страшном Суде Твоем и с непостыдным дерзно-

вением сказать: «Твоя я и дети мои, которых Ты мне даровал». Да вместе с ними прославлю имя Твое Святое Отца и Сына и Святого Духа. Аминь.

Молитвы перед иконой Богородицы «Взыскание погибших»

Молитва 1-я

О Пресвятая и Преблагословенная Дево, Владычице Богородице, Споручнице грешных и Взыскание погибших!

Призри милостивым Твоим оком на нас, предстоящих пред святою иконою Твоею и со умилением молящихся Тебе: воздвигни нас из глубины греховных, просвети ум наш, омраченный страстями, и уврачуй язвы душ и телес наших.

Не имамы иныя помощи, не имамы иныя надежды, разве Тебе, Владычице: Ты веси вся немощи и согрешения наша, к Тебе прибегаем и вопием: не остави нас Твоею небесною помощью, но предстани нам присно, и Твоим неизреченным милосердием и щедротами спаси и помилуй нас погибающих. Даруй нам исправление греховных жизни нашея и избави нас от скорбей, бед и болезней, от напрасныя смерти, ада и вечныя муки. Ты бо, Царице и Владычице, скорая помощница и заступница всем притекающим к Тебе, и крепкое прибежище грешников кающихся. Подаждь убо нам, Преблагая и Всенепорочная Дево, христианский конец живота нашего мирен и непостыден и сподоби нас Твоим ходатайством вселиться в обителях небесных, идеже непрестанный глас празднующих радостию славит Пресвятую Троицу, Отца и Сына и Святого Духа, ныне и присно и во веки веков. Аминь.

Молитва 2-я

Заступнице усердная, Благоутробная Господа Мати!

К Тебе прибегаю аз окаянный и паче всех человек грешнейший: вонми гласу моления моего, и вопль мой и стенание услыши.

Яко беззакония моя превзыдоша главу мою, и аз, якоже корабль в пучине, погружаюсь в море грехов моих. Но Ты, Всеблагая и Милосердная Владычице, не призри мене отчаянного и во гресех погибающего: помилуй мя кающегося во злых делах моих, и обрати на путь правый заблуждшую окаянную душу мою.

На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне и присно и во веки веков. Аминь.

Молитва 3-я

О Пресвятая Владычице и Богородице, Высшая Херувим и Честнейшая Серафим, Богоизбранная Отроковице, погибших взыскание и всех скорбящих радости, подаждь утешение нам, в гибели и скорби сущим. Разве бо Тебе иного прибежища и помощи не имамы. Ты Едина еси Радость наша и Ходатаица и яко Матерь Божия, Мати милосердия, предстоя у престола Пресвятыя Троицы, можещи нам помощи. Никто же бо притекаяй к Тебе посрамлен отходит. Услыши убо и нас ныне в день гибели и печали пред Твоею иконою припадающих и со слезами Тебе молящихся: отжени от нас належащая на нас скорби и беды в сей временной жизни, не лишены же ны сотвори Твоим всемогущим ходатайством и вечныя нескончаемыя радости в царствии Сына Твоего и Бога нашего. Аминь.

Тропарь, глас 4-й

Взыщи нас, погибающих, Пресвятая Дево, не по грехом бо нашим наказуеши нас, но по человеколюбию милуеши: избави нас от ада, болезни и нужды, и спаси нас.

Молитва мученику Гавриилу Белостокскому

Младенческаго незлобия хранителю и мученическаго мужества носителю, Гаврииле блаженне. Страны нашея адаманте драгоценный и иудейскаго нечестия обличителю! К тебе мы грешнии молитвенно прибегаем, и о гресех своих сокрушающеся, малодушия же своего стыдящеся, любовию зовем ти: наших скверн не возгнушайся, чистоты сый сокровище; нашего малодушия не омерзи, долготерпения учителю; но паче сих, немощи наша от небес видя, тех исцеления нам твоею подаждь молитвою, и твоя Христу верности подражатели нас быти научи. Аще же терпеливо крест искушений и злостраданий понести не возможем, обаче и тогда милостивыя твоя помощи не лиши нас, угодниче Божий, но свободу и ослабу нам у Господа испроси: таже и молящияся о чадах своих матери услыши, здравию и спасению младенцем от Господа податися умоляяй: несть такового жестокаго сердца, еже слышанием о муках твоих, святой младенец, не умилился. И аще кроме сего умиленного воздыхания никоегоже благаго деяния принести возможем, но и таковым умиленным помыслом наша умы и сердца, блаженне, просветив, на исправление жития нашего благодатию Божиею нас настави: вложи в нас о спасении души и о славе Божией ревность неустанную, и о часе смертнем память неусыпную хранить помози нам, наипаче же в смертнем успении нашем терзания демонская и помыслы отчаяния от душ наших предстательством твоим отжени, и сия упованием Божественнаго прощения испроси, но еже и тогда, и ныне славити нам милосердие Отца и Сына и Святаго Духа, и твое крепкое заступление, во веки веков. Аминь.

Молитвы великомученице Варваре

Молитва 1-я

Святая славная и всехвальная великомученице Христова Варваро! Собрании днесь в храме твоём Божественным люди и раце мощей твоих покланяющияся и любовию целующии, страдания же твоя мученическая и в них Самого страстоположника Христа, давшаго тебе, не точию еже в Него веровати, но и еже по Нем страдати, похвалами ублажающе, молим тя, известная желания нашего ходатаице: моли с нами и о нас умоляемого от Своего благоутробия Бога, да милостиво услышит нас, просящих Его благостыню, и не оставит от нас всяко спасению и житию нужная прошения, и дарует христианскую кончину животу нашему безболезненну, непостыдну, мирну, Божественных Таин причастну, и всем на всяцем месте, во всяцей скорби и обстоянии, требующим Его человеколюбия и помощи, великую Свою подаст милость, да благодатию Божиею и твоим теплым предстательством, душею и телом всегда здравии пребывающе, славим дивнаго во святых Своих Бога Израилева, не удаляющаго помощи Своея от нас всегда, ныне и присно и во веки веков. Аминь.

Молитва 2-я

К тебе, яко ко истинному скорого исцеления и многочуднаго врачевания источнику, святая дево Варваро великомученице, аз немощный прибегаю и к твоим святым мощам усердно припадая, молюся: виждь раны греховныя и всетелесную язву, виждь неможение души моея,

и сие, обычным твоим милосердием и благостию понуждаема, исцелити потщися. Вонми гласу моления моего, не призри от окаянного ми сердца приносимое стенание, и вопль мой услыши, яко ты еси мое прибежище. Святую, единосущную и неразделимую Троицу, юже тремя окнами в бане отеческой созданными изобразила еси, о мне грешнем и нетерпеливом рабе твоём моли, да помилует мя ныне и в день смерти моея.

Поклонися Отцу Небесному: да мя, всеми грехми преклоненного и низу поверженного, воздвигнет на славословие Свое, и устроит мя всегда горе имети сердце, горняя мудрствовать, а не земная. Умоли Христа Сына Божия, иже молитву твою страдальческую в темнице услыша, да мя лениваго к молитвам, и во унынии мнози, аки в темнице сидяща, к скорому течению путем заповедей Божиих наставит и подаст непрестанно молиться усердное хотение.

Призови и Духа Святаго, чистоты неизнуряемого Источника, в подвизе страдальческом ты, чистую деву, укрепляющего и от стыда крылома Своими защищающего, яко да и мне студному и нечистому, сердце чисто созиждет и дух прав обновит во утробе моей: паче же да призовет мя и подаст усердно подвизаться в житии чистом и укрепит мя на творение благих дел. Верую, яко вся сия можеши мне, о святая великомученице Варваро, у Пресвятыя Троицы исходатайствовать: и аще восхощеши, сильна еси помощи мне, яко прославившая Бога во удесех твоих страдальческих.

И вем, дево святая, яко ничтоже тебе невозможно, токмо аще не презриши слез и вздыхания моего: сего ради к честней святых мощей твоих чудотворных раце припадаю и тебе, на небеси душею пребывающей, поклоняся, дерзаю молитвенно глаголати: да будут уши твои внемлюще гласу молитвы моея. Многострадальное твоё тело да уврачуёт многия души и тела моего страсти. Глава твоя, мечу преклоненная, да даст главе моей воду очистительную грехов. Власи твои, немилостивно торганныи, да привяжут мя к любви Божией. Устне твои честнии да заградят уста моя от празднословия и отверзнут всегда возвещати хвалу Господню. Очи твои, видящие свет троический, да узрят и мое во благих желание, яко да бых и аз отвращал очи мои, еже не видети суеты, но всегда взирал на блаженство небесное. Рука твоя отсечена да удостоит мя всегда воздевати руце к Вышнему и несплетати ими льщения. Сосца твоя, нещадно урезанная, да будут ми столп от лица вражия крепкий. Нозии твои, скоростествующии со светлою свещею в чертог Божий к Жениху Небесному, да сотворят, яко да и аз ногама моима шествую ко всякому делу благу: да будет светильник ногама моима закон Господень и свет стезям моим. Раны твоя от ран греховных да свободят мя. Кровь твоя, многократне в мучении проливаемая, да очистит душу и тело мое от всякия скверны. Смерть твоя да не даст ми без исповедания и покаяния умерети: ибо аще в коем благодетельстве прославляема еси, но в сем наипаче, яко всяк, имей надежду на тя и выну в помощь призывай тя, от наглыя избежит смерти, от неяже и мене окаянного избави, дево чистая, великомученице Варваро, и всемогущими твоими молитвами удостой мя одесную Христа Сына Божия стати и слышати глас глаголющий: «Благий рабе и верный, вниди в радость Господа твоего». Аминь.

Молитва 3-я

Премудрая и прекрасная святая великомученице Христова Варваро, блаженна еси, яко премирная мудрости Божия плоть и кровь не яви тебе, но Сам Бог Отец Небесный, иже тебе веры ради от неверного отца оставленную, изгнанную и умерщвленную, в дочь Себе возлюбленную прият: за тленное земного имени наследие, плоти нетление дарова: труды мученические упокоением небесного измени царствия: временное твоё житие, смертью Его ради пресеченное, сицевою воспрослави почестию, яко душу с лики небесных вчини духов,

тело же на земли в храме их Ангельском положенное, Ангелом заповеда сохранить цело, честно и многочудесно.

Блаженна еси Христу Сыну Божию, Жениху Небесному, уневещенная дево, Егоже доброты твоя рачителя имети желаючи, всю себе страданием, ранами, удов резанием и самыя главы усечением, аки утварьми дражайшими потщалася еси украсить: да тако, яко жена верна главе своей, мужу Христу, духом и телом соединишися неразлучно, глаголющи: обре-тох, Егоже возлюби душа моя, и удержаж Его, и не оставих Его.

Блаженна еси, яко Святой Дух на тебе почил есть, Имже духовными духовная разсуждати научена, вся духи лукавствия во идолах, яко пагубныя, отринувши, и единого Бога Духа познавши, яко истинная поклонница духом и истиною кланяться изволила еси, проповеднически глаголющи: Троицу чту, едино Божество. Сию Святую Троицу, юже в животе и смерти исповеданием и страданием своим прославила еси, умоли о мне, предстательнице моя, яко да и аз всегда тройственной, Веры, Любве и Надежды, туюжде Святую Троицу почитаю добродетелию.

Имам светильник веры, но празден благих дел елея: ты, мудрая дево, страдальческую плоть твою, крове исполнену, ранами преливающуюся, аки светильник имущая, даждь от елея твоего, да тем душевную мою свещу украсивши, сподоблюся по тебе внити в чертог небесный. Пресельник аз есмь на земли и пришлец, якоже вси отцы мои: благ вечных наследнице и блаженная обеда в Царствии Небесном причастнице, яко в странствии жития, трапезы Божественныя угощения, сие и во исходе от мира, желаемого сподоби мя напутствования: и, егда в конец сном смерти начну усыпати, коснися тогда изнемогающия плоти моея, яко иногда Ангел Илии, глаголющи: востани, яждь и пей: яко да благодатию Божественных тела и крове таин укреплен, преиду в крепости тоя далекий путь смерти, даже до горы небесныя: и тамо, Егоже ты через три окна банныя прежде верую Бога Троицу узрела еси, сего купно с тобою лицом к лицу да удостоюся видети, и славити Его в нескончаемыя веки. Аминь.

Тропарь, глас 8-й

Варвару святую почтим: вражия бо сети сокруши и, яко птица, избавися от них, помощь и оружием креста, всечестная.

Тропарь, глас 4-й

Агнице всеблаженная Варваро, Божественне озарившись светом Святыя Троицы три-солнечным и в купели утвердившись в побеждение лести отеческия, веру исповедала еси Христову. Тем, всечестная, свыше благодать тебе дарова Бог, исцеляти недуги и болезни вся: Егоже моли, великомученице, да спасет души наша.

Молитва преподобного Амвросия Оптинского

Господи, Ты Един вся веси, вся можеш и всем хочеш спастись и в разум Истины прийти. Вразуми чадомое (имя) познанием истины Твоея и воли Твоея Святыя, укрепи его ходити по заповедям Твоим и мене грешнаго помилуй. Аминь.

Молитва святым мученицам Вере, Надежде, Любви и матери их Софии о любви и единомыслии между родителями и детьми

Вас, святые мученицы Веро, Надеждо и Любы, славим, величаем и ублажаем, купно с мудрою материю Софиею, ейже покланяемся, яко образ богомудраго попечения являющей. Умоли, святая Веро, Творца видимых и невидимых, да веру крепку, неблаженну и нерушиму подаст нам. Ходатайствуй, святая Надеждо, пред Господом Иисусом за нас грешных, да упование на благая Своя не отженет от нас, и от всякия скорби и нужды да избавит ны. Исповеждь, святая Любы, Духу истины, Утешителю, напасти и печали наша, да Той свыше сладость небесную низпослет душам нашим. Помозите убо в бедах наших, святые мученицы, и купно с мудрою материю вашею Софиею, молитесь Господа Бога, да сохранит (имена) под покровом Своим Церковь Свою Святую. Такжеже и о всех нас вашего теплаго представительства пред Богом усердно молим, да купно с вами и со всеми святыми превознесем и препрославим пресвятое и великое имя Отца и Сына и Святаго Духа, предвечнаго Владыки и благих Содетеля, ныне и присно и во веки веков.

Молитвы о жизненном устройстве детей

Молитва святителю Митрофану, Воронежскому чудотворцу

Тропарь, глас 4-й

Правило веры и образ кротости словом и житием пастве твоей, отче смиренномудре Митрофане, был еси. Темже и во светлостех святых солнца светлейше возсиял еси, венцем нетления и славы украшаем: моли Христа благочестивому народу нашему и граду твоему в мире спастися.

Кондак, глас 8-й

Воздержанием тело духу поработив, душу же равноангельну сотворив, святительскою одеялся еси одеждою, яко венец священства, и ныне, всех Владыце предстоя, моли, всеблаженне Митрофане, умирить и спасти души наша.

Молитва 1-я

Святителю отче Митрофане, нетлением честных мощей твоих и многими благоденствованиями, чудесно содеянными и содеваемыми тобою с верою к тебе притекающим, уверившись, яко имаши велию благодать у Господа Бога нашего, всемирно припадаем вси и молимся тебе: моли о нас Христа Бога нашего, да ниспослет всем, чтущим святую память твою и усердно к тебе прибегающим, богатыя милости Своя: да утвердит во Святей Своей Православной Церкви живой дух правыя веры и благочестия, дух ведения и любви, дух мира и радости о Духе Святе, да вси члены ея, чисты от мирских искушений и плотских похотей и злаго действия злых духов, духом и истиною поклоняются Ему и усердно пекутся о соблюдении заповедей Его ко спасению душ своих. Пастырем ея да даст святую ревность попечения о спасении людей, им вверенных, да неверующих просветят, неведущих наставят, сомневающимся вразумят и удостоверят, отпадших от Православныя Церкви обратят в святые недра ея, верующих соблюдут в вере, грешных подвижут к покаянию, кающихся утешат и укрепят в исправлении жизни, раскаявшихся и исправившихся утвердят в святости жизни: и тако всех введут указанным от Него путем в уготованное вечное Царство святых Его. Народу же нашему православному да дарует мужество, мудрость, одоление на вся враги, радость и долгоденствие: избранным от Него для управления и суда да ниспослет усердие, прозорливость, мудрость и верность, да управляют и судят к спокойствию и радости всех: всем же людям да дарует мир, тишину, безмятежие, усердие в исполнении заповедей Его, установления святыя Церкви и закона гражданского, и изобилие в потребном для жизни сея: и да избавит царствующия грады, град сей и вся иныя грады царства Его и веси, от глада, труса, потопа, огня, меча, нашествия иноплемennых, междоусобных брани, смертоносных язвы и от всякаго зла. Ей, святителю Божий, да устроиши молитвами твоими вся благая душам и телесем нашим: да и мы прославим в душах и телесех наших Господа и Бога нашего, Иисуса Христа, Ему же со Отцем и Святым Духом слава и держава во веки веков. Аминь.

Молитва 2-я

О, всехвальный святителю Христов и чудотворче Митрофане! Приими сие малое моление от нас грешных, к тебе прибегающих, и теплым твоим предстательством умоли Господа и Бога нашего, Иисуса Христа, яко да призрев на ны милостивно, дарует нам согрешений наших вольных и невольных прощение, и по велицей Своей милости избавит нас от бед, печалей, скорби и болезней душевных и телесных, обдержавших нас: да подаст земли плодосие, и вся, яже на пользу настоящего жития нашего потребная. Да дарует нам скончати житие сие привременное в покаянии, и да сподобит нас, грешных и недостойных Небеснаго Царствия Своего, со всеми святыми славити Его бесконечное милосердие, со Безначальным Его Отцем, и Святым и Животворящим Его Духом, во веки веков. Аминь.

Молитвы о целомудрии и благополучном замужестве дочери

Молитвы великомученице Екатерине

Молитва 1-я

О святая великомученице Екатерино, избранный чистоты сосуде, столпе православия, надежная предстательнице наша, явившая нам сама вину умоляти тя, подвижнице законная, святая на святей горе свято почивающая!

Молим тя: приикши свыше, вонми гласу моления нашего, призри на бедствие рабов твоих, просвети омрачение ума нашего, сотвори нас горняя мудрствовать, а не земная. Поспеши нам молитвами твоими побеждати плотская похотения, пристрастия к миру и козни злых духов, на нас злобно воюющих: да твоим предстательством во дни жития сего свободни будем от враждебных их нападений и по исходе от воздушных их истязаний. О премудрая дево! Даруй нам вся, яже к пользе прошения: можеши бо многая испросити у возлюбленного Жениха, Христа Бога нашего. Мы вемы, яко много может молитва праведнаго, поспешествуемая благоутробием милосердаго Бога, Емуже слава, честь и благодарение всегда, ныне и присно и во веки веков. Аминь.

Молитва 2-я

О святая Екатерино, дево и мученице, истинная Христова невесто! Молим тя, чрез особливую благодать, еюже предвари тя Жених твой, сладчайший Иисус, да якоже посрамивши прелести мучителя мудростию своею, пятьдесят витий победила еси, и напоивши их небесным учением, к свету истинныя веры наставила еси: тако испроси и нам оную Божию мудрость, да и мы, расторгнувше вся козни адскаго мучителя и презревше мира и плоти соблазны, достойны явимся Божественныя славы, и к расширению святых нашея православныя веры сосуды достойны соделаемся, и с тобою в небесней скинии Господа и Владыку нашего Иисуса Христа, со Отцем и Святым Духом, восхвалим и прославим во вся веки веков. Аминь.

Тропарь, глас 4-й

Добродетельми, яко лучами солнечными, просветила еси неверныя мудрецы: и якоже пресветлая луна ходящим в нощи неверия тьму отгнала еси, и царицу уверила еси, вкупе же и мучителя обличила еси, Богозванная невесто, блаженная Екатерино: желанием востекла еси в небесный чертог, к прекрасному Жениху Христу, и от Него царским венцем венчалася еси: Емуже со Ангелы предстоящи, за ны молися, творящая пречестную память твою.

Молитва апостолу Андрею Первозванному

Молитва

Первозванне Апостоле Бога и Спаса нашего Иисуса Христа, церкви последователю верховный, всехвальне Андрее!

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.